

ХӨВСГӨЛ АЙМГИЙН
УЛСЫН БҮРТГЭЛИЙН ХЭЛТЭС



**2024 ОНЫ ЭХНИЙ ХАГАС
ЖИЛИЙН ҮЙЛ АЖИЛЛАГААНЫ
БИЧМЭЛ ТАЙЛАН**

Мөрөн
2024 он

ТАЙЛАНГИЙН АГУУЛГА

- 1. БОДЛОГО ЗОРИЛТЫГ ХАНГАХ ТАЛААР**
- 2. ХЭЛТСЭЭС АВЧ ХЭРЭГЖҮҮЛСЭН БУСАД АЖЛУУД**
- 3. ИРГЭНИЙ УЛСЫН БҮРТГЭЛИЙН ҮЙЛ АЖИЛЛАГАА**
- 4. ЭД ХӨРӨНГӨ, ХУУЛИЙН ЭТГЭЭДИЙН УЛСЫН БҮРТГЭЛИЙН ҮЙЛ АЖИЛЛАГАА**
- 5. ХЯНАЛТ, ШАЛГАЛТЫН ҮЙЛ АЖИЛЛАГАА**
- 6. САНХҮҮГИЙН ҮЙЛ АЖИЛЛАГАА**
- 7. АРХИВ, АЛБАН БИЧИГ ХӨТЛӨЛТИЙН ҮЙЛ АЖИЛЛАГАА**
- 8. СУРГАЛТ, СЕМИНАР БОЛОВСОН ХҮЧНИЙГ БЭХЖҮҮЛЭХ ЧИГЛЭЛЭЭР**
- 9. ДҮГНЭЛТ**

1. БОДЛОГО ЗОРИЛТЫГ ХАНГАХ ТАЛААР

Тус хэлтэс нь Улсын бүртгэлийн ерөнхий газрын даргын 2023 оны 05 дугаар сарын 24-ний өдрийн Б/424 тоот тушаалаар батлагдсан бүтэц орон тооны дагуу Төрийн захиргааны 37 үндсэн ажилтан, төрийн үйлчилгээний 5 үндсэн ажилтан, гэрээт 4 албан хаагч нийт 46 ажилтантайгаар үйл ажиллагаа явуулж байна. Үүнээс хэлтсийн дарга 1, хяналтын улсын байцаагч 1, иргэний улсын бүртгэлийн тасгийн дарга бөгөөд улсын ахлах бүртгэгч 1, иргэний улсын бүртгэгч 30, хуулийн этгээд, эд хөрөнгийн эрхийн улсын бүртгэлийн тасгийн дарга бөгөөд улсын ахлах бүртгэгч 1, хуулийн этгээдийн улсын бүртгэгч 1, эд хөрөнгийн эрхийн улсын бүртгэгч 3, ерөнхий нягтлан бодогч 1, мэдээлэл технологийн ажилтан 1, бичиг хэргийн эрхлэгч, нярав 1, архивч 2, гэрээт ажилтан 4 тус тус ажиллаж байна.

2024 оны эхний хагас жилийн байдлаар Улсын бүртгэлийн ерөнхий хууль, Иргэний улсын бүртгэлийн тухай хууль, Гэр бүлийн тухай хууль, Эд хөрөнгийн эрхийн улсын бүртгэлийн тухай хууль, Хуулийн этгээдийн улсын бүртгэлийн тухай хууль, Иргэний хууль, Зөрчлийн тухай хууль, Төрийн албан хаагчийн ёс зүйн тухай хууль, Татварын ерөнхий хууль, Монгол Улсын Их Хурлыг тухай хууль болон тэдгээртэй нийцүүлэн гаргасан бусад хууль тогтоомжийн хүрээнд төрийн үйлчилгээг иргэдэд хүргэн ажилласан. Мөн Улсын бүртгэлийн үйл ажилагаанд хамаарах шинээр батлагдсан болон нэмэлт өөрчлөлт орсон хууль тогтоомжийг хэрэгжүүлэх ажлыг зохион байгуулан ажиллаж байгаа бөгөөд албан хаагчдад сургалт зохион байгуулах, мэдээлэл өгөх, улсын бүртгэгч нарт холбогдох чиглэлийг тухай бүр хүргүүлэн ажиллаж байна.

2024 оны 05 дугаар сарын 25-ны байдлаар УБЕГ-ын даргын 14 тушаал, 21 чиглэл, 10 албан даалгавар ирснийг албан хаагчдад танилцуулан хэрэгжилтийг ханган, тайланг хугацаанд нь хүргүүлэн, УБЕГ-с зохион байгуулсан 24 удаагийн цахим болон танхимын сургалтанд хэлтсийн албан хаагчдыг бүрэн хамруулж ажилласан.

Хэлтсийн 35 албан хаагчийн 2023 оны ХАСХОМ-ийг хуулийн хугацаанд цахимаар хүлээн авч баталгаажуулах, цаасан хэлбэрээр хүлээн авах, бүртгэх хадгалах ажлыг хууль тогтоомжийн хүрээнд зохион байгуулж, тайлант хугацаанд шинээр томилогдсон 2 нийт 37 албан хаагчийн ашиг сонирхлын урьдчилсан мэдүүлэг болон хөрөнгө орлогын мэдүүлгийг гаргуулан Баталгааны маягтыг УБЕГ-т хүргүүлэн, нууцын баталгааг гаргуулан ажилласан.

Хэлтсийн 2024 оны гүйцэтгэлийн төлөвлөгөөг 8 зорилтын хүрээнд 40 арга хэмжээтэйгээр боловсруулан, Улсын бүртгэлийн ерөнхий газрын даргаар батлуулан, 2024 онд хэрэгжүүлэхээр төлөвлөсөн 40 арга хэмжээнээс эхний хагас жилд 37 арга хэмжээг хяналтандаа авч хэрэгжилтийг 100% ханган ажиллаж байна.

Аймгийн хэмжээнд тоон гарын үсэг авах 90464 иргэнээс өнгөрсөн оны тайлант хугацаанд 51488 иргэнд буюу 57%-тай байсан бол 2024 оны 05 дугаар сарын 25-ны өдрийн байдлаар нийт 58645 иргэнд тоон гарын үсэг олгож тоон гарын үсэг олгох ажил 64.8%-тай явагдаж байна.

“Төрийн үйлчилгээний цэг - Хаанаас ч ойрхон” Хурдан цахим машины шинэчлэлт хийгдэж, тус хэлтэст байршуулсан киоск машинаас иргэд бүртгэлийн лавлагаа, тодорхойлолт тоон гарын үсэг авах болон 60 байгууллагын 600 гаруй үйлчилгээг авах боломж бүрдсэн.

Тус хэлтсийн 1-5 дугаар сарын иргэн, хуулийн этгээдэд үзүүлсэн үйлчилгээний талаар 1 удаагийн инфографик мэдээллийг үнэн зөв гарган тус, хэлтсийн цахим хуудас болон хэлтсийн ил тод байдлын самбар, олон нийтийн сүлжээнд байршуулан, хэлтсийн цахим хуудсанд 5 мэдээллийг оруулан, 137 удаагийн давтамжтай түгээн ажиллаж байна.

Тайлант хугацаанд хэлтсийн хэмжээнд иргэдээс 43 өргөдөл, гомдол хүлээн авж 100% шийдвэрлэсэн бөгөөд 1 дүгээр улирлын өргөдөл гомдлын мэдээг УБЕГ-т хугацаа хоцроолгүй үнэн зөв хүргүүлэн ажиллаж байна.

2. ХЭЛТСЭЭС АВЧ ХЭРЭГЖҮҮЛСЭН БУСАД АЖЛУУД

Нэг. Орон нутгийн удирдлага, бусад байгууллагатай хамтран ажилласан байдал:

Хөвсгөл аймгийн хэмжээнд өвөлжилт хүндэрч, зуд болсонтой холбогдуулан “Хоймор нутгийн малчин танд туслья” аянд хэлтсийн албан хаагчдын зүгээс 505,000 төгрөгийн хандив цуглуулан Хөвсгөл аймгийн онцгой комисст хүлээлгэн өгсөн.

Хөвсгөл аймгийн хамгийн алслагдсан сумд болох Рэнчинлхүмбэ, Ханх, Цагааннуур сумдын иргэдэд Улсын бүртгэлийн дараах үйлчилгээг үзүүлсэн.

- 237 иргэний Үндэсний энгийн цахим гадаад паспортын захиалга
- 4 иргэний газар өмчлөх эрхийн гэрчилгээ олгож, 12 иргэнд зөвлөгөө мэдээлэл
- 7 иргэнд хуулийн этгээдийн улсын бүртгэлийн чиглэлээр зөвлөгөө мэдээлэл тус тус өгч, сумдын Засаг даргын тамгын газар болон холбогдох байгууллагуудтай уулзалт зохион байгуулж ажиллалаа.

2024 оны 02 дугаар сарын 21-ний өдөр Хөвсгөл аймгийн Хөдөө аж ахуйн газартай хамтран “Жижиг дунд үйлдвэрлэлийг хөгжүүлэх сангийн хөнгөлөлттэй зээлийн мэдээлэл өгөх” зорилгоор Нэг цонхны үйлчилгээний төвд хуулийн этгээдийн улсын бүртгэгч П.Даваадулам ажиллаж 31 иргэнд зөвлөгөө мэдээлэл, 5 хуулийн этгээдэд хуулийн этгээдийн дэлгэрэнгүй лавлагааг өгч ажиллалаа.

2024 оны 05 дугаар сарын 01-ний өдөр “Хуульчийн Про-Боно” өдөрлөгт оролцож иргэний улсын бүртгэл, эд хөрөнгийн эрхийн улсын бүртгэл, хуулийн этгээдийн улсын бүртгэлийн талаар иргэдэд зөвлөгөө мэдээлэл өгч, тоон гарын үсэг олгосон.

2024 оны 05 дугаар сарын 10-ны өдөр тус тасгийн Хуулийн этгээдийн улсын бүртгэгч П. Даваадулам Бүрэнтогтох суманд ажиллаж хуулийн этгээдийн улсын бүртгэлийн үйлчилгээг сумын иргэдэд газар дээр нь үзүүлсэн бөгөөд 19 иргэнд зөвлөгөө мэдээлэл өгч 2 хуулийн этгээдэд хуулийн этгээдийн дэлгэрэнгүй лавлагаа олгосон байна.

2024 оны 05 дугаар сарын 16-ны өдөр “Шинэ хоршоо хөдөлгөөн”-ий хүрээнд Алаг-Эрдэнэ суманд хэлтсийн даргаар ахлуулсан баг ажиллаж, сумын иргэдэд хоршоог улсын бүртгэлд бүртгүүлэх тухай мэдээллийг хэлтсийн дарга Б. Мөнгөнзул өгч, хоршооны бүртгэлийг улсын бүртгэгч Б. Цэнд-Аюуш газар дээр нь бүртгэж ажилласан.

2024 оны 05 дугаар сарын 17, 18-ний өдрүүдэд Хөвсгөл аймгийн Мөрөн суманд зохион байгуулагдсан “Шинэ хоршоо-Чинээлэг малчин” зөвлөгөөнд оролцож буй 23 сум, 1 тосгоны 1000 малчинд хэлтсийн дарга Б.Мөнгөнзул хоршоог улсын бүртгэлд хэрхэн бүртгүүлэх, хоршооны мэдээлэлд хэрхэн өөрчлөлт оруулах талаар мэдээлэл өгч, улсын бүртгэгч Б.Цэнд-Аюуш, П.Даваадулам нар хоршооны бүртгэлийн үйлчилгээг газар дээр нь үзүүлж, хоршооны нэр баталгаажуулах ажлыг хийж гүйцэтгэлээ.

5 дугаар сарын 20-ны өдөр “Шинэ хоршоо хөдөлгөөн”-тэй холбогдуулан Мөрөн сумын малчдын зөвлөгөөнд хуулийн этгээдийн улсын бүртгэгч П. Даваадулам оролцож, “Хоршоог улсын бүртгэлд хэрхэн бүртгүүлэх”, “Хоршооны мэдээлэлд өөрчлөлт оруулах” зэрэг сэдвүүдээр мэдээлэл өгч малчдын сонирхсон асуултанд хариуллаа.

Хөвсгөл аймгийн Хөгжлийн бэрхшээлтэй иргэний хүний хөгжлийн төвтэй хамтран 4G зөөврийн тоног төхөөрөмж ашиглан улсын бүртгэлийн үйлчилгээг авах нөхцөл боломжийг бүрдүүлэн ажиллаж байгаа бөгөөд 2024 оны 03 дугаар сарын 14-ний өдөр “Хамтдаа нөлөөлье” аянд оролцож 15 иргэнд тоон гарын үсэг олгон ажилласан.

Хөвсгөл аймгийн Хөдөлмөр, халамжийн үйлчилгээний газар, Хөгжлийн бэрхшээлтэй хүний хөгжлийн төвтэй хамтран Ерөнхий боловсролын сургуулийн ахлах ангийн 28 сурагчид ажил мэргэжлийн чиг баримжаа олгох зорилгоор мэргэжил сонголтонд арга зүйн зөвлөгөө өгөх, байгууллагын үйл ажиллагаатай танилцах судалгаат аяллыг зохион байгуулсан.

Хөвсгөл аймгийн Мөрөн сумын Засаг даргын 2024 оны 04 дүгээр сарын 30-ны өдрийн "Нийтийн эдэлбэр газар, орчны бүх нийтийн хог хаягдал цэвэрлэгээний ажил зохион байгуулах тухай" А/101 захирамжийн дагуу Хөвсгөл аймгийн Улсын бүртгэлийн хэлтэс нь орчны 50 метр хүртэлх газар болон нийтийн хог хаягдлыг цэвэрлэлээ.

Хоёр. Нэгжийн ил тод байдлыг хангах ажлын хүрээнд

Хэлтсийн байрны 1 давхар болох үйлчилгээний заал болон, Хаан банк, Рэнчинлхүмбэ сумын сумын засаг даргын тамгын газарт “Цахим үйлчилгээний 24/7” буланг ажиллуулан Иргэний улсын бүртгэийн 12, эд хөрөнгийн эрхийн улсын бүртгэлийн 2, хуулийн этгээдийн улсын бүртгэлийн 4 лавлагаа, нийт 18 төрлийн лавлагаа мэдээллийг иргэдэд цаг хугацааг үл харгалзан, үнэ төлбөргүй олгон ажилллаж байна.

2024 оны 05 дугаар сарын 25-ны өдрийн байдлаар хэлтсийн 7 хурал, даргын зөвлөлийн 14 хурал, сумын улсын бүртгэгч нарын 13 цахим хурал тус тус болсон бөгөөд хурлын тэмдэглэлийг хөтлөн албажуулж, өгсөн үүрэг даалгаврын хэрэгжилтийг ханган ажиллаж байна. Мөн Улсын бүртгэлийн Ерөнхий газрын даргын шуурхай хуралдаанаас өгсөн 10 удаагийн үүрэг даалгаврыг хэлтсийн албан хаагчдад тухай бүрт танилцуулан, биелэлтийг хуулийн хугацаанд нь УБЕГ-т хүргүүлэн ажилласан.

Тус хэлтсийн <https://khuvsgul.burtgel.gov.mn/> цахим хуудсанд байршуулбал зохих нээлттэй мэдээллийг байршуулах хугацаа, давтамжийн дагуу байршуулж хэвшсэн бөгөөд, дутуу мэдээллийн нөхөн байршуулж, нийт 424 мэдээлэл байршуулсан. Тус хэлтсийн 2023 оны II, III, IV дүгээр улирлын болон 2024 оны I дүгээр улирлын өргөдөл, гомдлын мэдээг нөхөн байршуулсан. Хэлтсийн цахим хуудсанд байршуулах улирал, хагас жил, сар бүр, тухай бүр байршуулах тайлан, сар бүрийн тоон мэдээ, цаг үеийн мэдээ мэдээллийг өдөр бүр байршуулан ажиллаж байна. Цахим хуудасны “Танилцуулга” цэсэнд байгаа нэгжийн бүтэц, албан тушаалтан, утасны мэдээллийг шинэчлэн, иргэдэд илүү ойлгомжтой байдлаар бүтцийн мэдээллийг шинэчлэсэн.

Иргэдэд төрийн үйлчилгээг түргэн шуурхай чирэгдэлгүй хүргэх, иргэдийг мэдээ мэдээллээр хангах, иргэн бүрт хүрч үйлчлэх зорилгоор үйлчилгээний зааланд байрлах эд хөрөнгийн эрхийн улсын бүртгэл, хуулийн этгээдийн улсын бүртгэлийн “Хөтөч” хавтсыг тус бүр шинэчлэн, иргэдэд илүү хялбар байдлаар хэвлэн байршууллаа.

Гурав. Идэвхи санаачлага, шинэлэг ажлын хүрээнд:

Хэлтсийн хамт олноос гаргасан шинэ, шинэлэг санаачлагаар “Бүртгэлхүү, Бүртгэлмаа” нэртэй контентыг эхлүүлсэн бөгөөд тайлант хугацаанд “Иргэний шилжилт хөдөлгөөний бүртгэл”, “Цахим гадаад паспорт”, “Тусгай хэрэгцээт иргэнд гэрт нь очиж үбүртгэл хөтлөх” сэдвээр бүтээж цахим хуудсанд байршуулаад байна. Энэхүү контент нь бүртгэл тус бүрээр цаашид үргэлжлэх бөгөөд шинэ контентыг тухай бүр цахим хуудаснаа байршуулан бүртгэлийн үйл ажиллагааг сурталчлан ажиллахаар гүйцэтгэлийн төлөвлөгөөнд тусган ажиллаж байна.

Тус хэлтэс нь Үндэсний энгийн гадаад паспортын бүртгэлийг анхан шатны нэгжээс үзүүлэх ажлын хүрээнд аймгийн төвөөс хол, алслагдсан Тариалан, Цагаан-Уул, Цэцэрлэг, Их-Уул сумдад нэвтрүүлэхээр нийт 12.140.000 төгрөгийн төсвийг сумын ИТХ-р шийдвэрлүүлэн гадаад паспортын бүртгэл хөтлөх тоног төхөөрөмж /зургийн аппарат, гэрэлтүүлэгч иж бүрэн, хөшиг/ болон үйлчилгээний хураамж төлөх гэрэгэ пос төхөөрөмжийг худалдан авч, сумдын улсын бүртгэгч нарыг хэлтэст дадлага хийлгэн, үндэсний энгийн гадаад паспортын бүртгэлийг хөтлөх эрхийг нээлгэх албан бичгийг УБЕГ-т хүргүүлэн эрх авч, 2024 оны 03 дугаар сарын 14-ний өдөр “ГЭРТ ОЙР, ГАРТ ОЙР ГАДААД ПАСПОРТ” уриатай гадаад паспортын бүртгэлийн үйлчилгээг сумаасаа авах үйл ажиллагааг албан ёсоор нээж бүртгэлийн үйлчилгээг иргэн бүрт улам ойр болгон ажиллаж байна.

Мөн Рэнчинлхүмбэ, Шинэ-Идэр Эрдэнэбулган, Цагаан-Үүр, сумдад үндэсний энгийн гадаад паспортын үйлчилгээг нэвтрүүлэхээр төсвийг шийдвэрлүүлэн ажиллаж байгаа бөгөөд Цагаан-Үүр, Рэнчинлхүмбэ, Эрдэнэбулган сум тоног төхөөрөмжөө худалдан авч, бүртгэлийн дадлагаа хийж, гадаад паспортын үйлчилгээг сумандаа иргэдэд үзүүлэхэд бэлэн болоод байна.

Эрдэнэбулган сумын ИТХурал, ЗДТГазрын хүсэлтээр тус суманд 2024 оны 03 дугаар сарын 16-ны өдөр ажиллаж 90 иргэнд гадаад паспортын үйлчилгээг үзүүлэн ажилласан байна. Мөн ОХУ-с, Монгол улсын хил хуваагдсан цагаас хойш ОХУ-н Тува улсын тож хошуун дахь төрөл төрөгсөд, ахан дүүстэйгээ 60-70 жил уулзаагүй цаатан иргэдийг ахан дүүстэйгээ уулзах боломжийг бүрдүүлэх зорилгоор аймгийн төв орж гадаад паспорт захиалах боломжгүй цаатан иргэдэд 2024 оны 4-р сарын 13 наас 15 ны өдрүүдэд хүрч үйлчлэн “ЦААТНЫ УРЦАНД-ЦАХИМ ГАДААД ПАСПОРТ” өдөрлөгийг зохион байгуулан 106 иргэд гадаад паспортын үйлчилгээг үзүүлсэн байна.

Суманд амьдардаг ахмад настан, хөгжлийн бэрхшээлтэй болон асаргаанд байдаг иргэдэд зөөврийн 4G төхөөрөмж ашиглан улсын бүртгэлийн үйлчилгээг үзүүлэн ажилласан:

- 01 сарын 23-ны өдөр Тариалан сумын улсын бүртгэгч М.Номиндарь
- 04 сарын 23-ны өдөр Баянзүрх сумын Улсын бүртгэгч Н.Азжаргал
- 05 сарын 24-ны өдөр Мөрөн сумын улсын бүртгэгч С.Дэлгэрмөрөн

Улаан-Уул сумын Улсын бүртгэгч Т.Энхбаяр сумын ЗДТГ-тай сумын төсвөөс 620,000 төгрөг шийдүүлэн улсын бүртгэлийн үйлчилгээг үзүүлдэг өрөөг тохижуулсан.

Дөрөв. Тоон гарын үсэг олгох ажлын хүрээнд

Цахим гарын үсгийн тухай хууль, улсын бүртгэлийн байгууллагаас Монгол улсын 16 насанд хүрсэн иргэнд тоон гарын үсгийн гэрчилгээ олгох, түдгэлзүүлэх, сэргээх, хүчингүй болгох журмын хүрээнд аймгийн Засаг даргын тамгын газрын 30 албан хаагч, “Хөгжлийн бэрхшээлтэй иргэний хөгжлийн төв”-ийн 15 албан хаагч, Мөрөн сумын ЗДТГ-ын 54 албан хаагч, болон “ИРГЭДЭЭ СОНСЪЁ” өдөрлөгт 40 иргэнд, Хуульчдийн “Про боно” өдөрлөгт 10 иргэнд, сумдын “ХААН БАНК”-наас үйлчилгээ авч байгаа 254 иргэнд цахим гарын үсгийн тухай хууль, холбогдох журмын талаар мэдээлэл өгч тоон гарын үсэг олгох ажлыг зохион байгуулан ажилласан байна.

Аймгийн хэмжээнд насанд хүрсэн нийт 90464 иргэнд тоон гарын үсэг олгохоос 2023 оны тайлант хугацаанд 51488 иргэнд буюу 57 хувьтай байсан бол 2024 оны тайлант хугацаанд **7157** иргэнд нийт 58645 иргэнд тоон гарын үсэг олгож, цахим гарын үсэг олголт **64.8** хувьтай явагдаж байна. Мөн хэлтсийн үйлчилгээний заал болон Хаан банк, Рэнчинлхүмбэ суманд байрлах 3 киоск машинаас 3567 иргэн тоон гарын үсэг авсан бүртгэлтэй байна.

Тав. Нээлттэй хаалганы өдөр

Хөвсгөл аймгийн хамгийн алслагдсан сумд болох Рэнчинлхүмбэ, Ханх, Цагааннуур сумдын иргэдэд Улсын бүртгэлийн дараах үйлчилгээг үзүүлсэн.

- 237 иргэний Үндэсний энгийн цахим гадаад паспортын захиалга
- 4 иргэний газар өмчлөх эрхийн гэрчилгээ олгож, 12 иргэнд зөвлөгөө мэдээлэл
- 7 иргэнд хуулийн этгээдийн улсын бүртгэлийн чиглэлээр зөвлөгөө мэдээлэл тус тус өгч ажилласан.

2024 оны 03 дугаар сарын 14, 15-ны Тариалан, Их-Уул, Эрдэнэбулган сумдад гадаад паспортын үйлчилгээг нэвтрүүлж “Нээлттэй хаалганы өдөр” зохион байгуулсан бөгөөд уг арга хэмжээнд иргэний улсын бүртгэл, эд хөрөнгийн эрхийн улсын бүртгэлийн үйлчилгээг газар дээр нь үзүүлсэн бөгөөд цахим гадаад паспортын үйлчилгээг үзүүлэн, Эрдэнэбулган суманд газраас бусад үл хөдлөх эд хөрөнгийн анхны бүртгэлийн үйлчилгээг-5 иргэнд үзүүлж, үл хөдлөх эд хөрөнгийн өмчлөх эрхийн гэрчилгээг газар дээр нь олгосон байна. Тариалан суманд барьцааны гэрээ дуусгавар болгох-5 бүртгэл, лавлагаа-4, худалдах худалдан авах гэрээ-2, хаяг өөрчлөх-13 бүртгэлийг тус тус газар дээр нь хүлээн авч бүртгэл хөтөлсөн. Их-Уул суманд газраас бусад үл хөдлөх эд хөрөнгийн анхны бүртгэлийн-1, бэлэглэлийн гэрээ-2, газрын хэмжээ өөрчлөх-2 бүртгэлийг тус тус хүлээн авч бүртгэл хөтөлсөн байна. Мөн хуулийн этгээдийн улсын бүртгэлийн талаарх мэдээлэл зөвлөгөөг нийт 32 иргэнд өгч ажилласан байна.

2024 оны 04 дүгээр сарын 08-ны өдөр Аймгийн засаг дарга П. Лхагважавын санаачлагаар зохион байгуулсан төрийн байгууллагуудын “Иргэдэдээ сонсьё -2024” нээлттэй хаалганы өдөрлөгт иргэний улсын бүртгэгч Б.Мөнхжаргал, эд хөрөнгийн эрхийн улсын бүртгэгч З.Бямбасүрэн, хуулийн этгээдийн улсын бүртгэгч П. Даваадулам нар оролцож эд хөрөнгийн эрхийн улсын бүртгэлийн чиглэлээр 39 иргэнд, хуулийн этгээдийн улсын бүртгэлийн чиглэлээр 26 иргэнд зөвлөгөө мэдээлэл өгч, 3 хуулийн этгээдийн нэр баталгаажуулсан байна.

2024 оны 04 дүгээр сарын 10, 11-ний өдрүүдэд Цагааннуур суманд зохион байгуулсан “Цаатны урцанд - Цахим гадаад паспорт” нээлттэй өдөрлөгт эд хөрөнгийн эрхийн улсын бүртгэгч З.Бямбасүрэн оролцож эд хөрөнгийн эрхийн улсын бүртгэлийн чиглэлээр 21 иргэнд мэдээлэл зөвлөгөө өгч, 1 иргэнд газар өмчлөх эрхийн гэрчилгээ олгон ажилласан.

2024 оны 05 дугаар сарын 09-ний өдөр ХЗДХЯ-ны харъяа агентлаг, байгууллагуудын дунд зохион байгуулсан “Нээлттэй хаалга”-ны өдөрт иргэний улсын бүртгэгч С.Дэлгэрмөрөн оролцож ИУБ-31 бүртгэл 5, лавлагаа 9, тоон гарын үсэг 17, эд хөрөнгийн эрхийн улсын бүртгэгч Б. Цэнд-Аюуш оролцож эд хөрөнгийн эрхийн улсын бүртгэлийн чиглэлээр 29 иргэнд, хуулийн этгээдийн улсын бүртгэлийн чиглэлээр 24 иргэнд зөвлөгөө мэдээлэл өгч, 1 хуулийн этгээдийн нэр баталгаажуулсан байна.

Зургаа. Албан хаагчдын ажиллах нөхцөл, нийгмийн баталгааг хангах чиглэлээр:

2024 оны 05 дугаар сард хэлтсийн болон сумдын нийт 46 албан хаагчдаас ажлын байрны орчин нөхцөлийн талаар сэтгэл ханамжийн судалгааг жишиг загварт нийцүүлэн боловсруулж цахим хэлбэрээр авав.

Эд хөрөнгийн хариуцлагын даатгалд хамруулахаар Хуулийн этгээд, эд хөрөнгийн эрхийн улсын бүртгэлийн хэлтсийн дарга бөгөөд улсын ахлах бүртгэгч Д.Чимэдцогзол, Эд хөрөнгө эд хөрөнгийн эрхийн улсын бүртгэгч Ө.Батнасан, Б.Цэнд-Аюуш, З.Бямбасүрэн, Цэцэрлэг сумын улсын бүртгэгч Д.Дэлгэрмөрөн, Хатгал тосгоны улсын бүртгэгч М.Даваахүү нарын судалгааг Эд хөрөнгийн улсын бүртгэлийн газарт хүргүүлэн ажилласан байна.

2023 онд Хэлтсийн албан хаагчдад ажлын хувцас /бомбер/ захиалах ажлыг эд хөрөнгийн эрхийн улсын бүртгэгч Ө.Батнасан хариуцан захиалга өгч 22 албан хаагчдад хувцсыг нь хүлээн өгсөн бөгөөд 2024 оны 1 дүгээр сард 24 сумын албан хаагч, 4 дүгээр сард хэлтсийн 3 албан хаагчид ажлын хувцас /бомбер/ захиалж хүлээлгэн өгөв. Мөн 5 дугаар сард хэлтсийн 22 албан хаагчдад поло подволк захиалж хүлээлгэн өгсөн.

Эрдэнэбулган сумын Засаг даргын тамгын газар болон Иргэдийн төлөөлөгчдийн хуралд зарим албан хаагчдад газар олгуулах хүсэлтийг хэлтсийн удирдлагын зүгээс хүргүүлсэн.

Нийгмийн баталгааг хэрэгжүүлэх арга хэмжээний хүрээнд 2024 оны эхний хагас жилд 02 дугаар сарын 07-ны өдөр , 05 дугаар сарын 01-ний өдөр 2 удаа нийт 13 албан хаагчийг шагналд тодорхойлж Улсын бүртгэлийн ерөнхий газарт холбогдох материалыг хүргүүлсэн бөгөөд Хуулийн этгээд, эд хөрөнгийн эрхий улсын бүртгэлийн тасгийн дарга бөгөөд улсын ахлах бүртгэгч Д.Чимэдцогзол нь Хууль зүй, дотоод хэргийн яамны “Хүндэт жуух бичиг”-ээр, Хэлтсийн дарга Б.Мөнгөнзул нь “Улсын бүртгэлийн тэргүүний ажилтан” шагналаар шагнуулав. Бусад албан хаагчийн шагналын тодорхойлолт шийдвэрлэх шатандаа явагдаж байгаа болно.

Хэлтсийн дэргэдэх “Эцэг зөвлөл”-ийн 2024 онд хэрэгжүүлэх үйл ажиллагааний төлөвлөгөөний дагуу “Хүүхдийн баяр”-ыг тохиолдуулан 2024 оны 05 дугаар сарын 24-ний өдөр байгууллагын бүх албан хаагчдын хүүхдэд гарын бэлэг өгч баярлуулав.

2023 оны жилийн эцсийн гүйцэтгэлийн гүйцэтгэлийн тайлангийн үнэлгээгээр “Маш сайн буюу хангалттай” үнэлэгдэж, 25 албан хаагчийн зэрэг дэв олгуулах хүсэлтийг хүргүүлсэнээр Улсын бүртгэлийн ерөнхий газрын даргын 2024 оны 01 дүгээр сарын 29-ний өдрийн “Төрийн захиргааны албан хаагчид зэрэг дэв олгох тухай” Б/22 тоот тушаал батлагдсаны дагуу зэрэг дэв ахиулан 24, шинээр олгох 1 нийт 25 албан хаагчид зэрэг дэв олгов.

Хэлтсийн хамт олон хүүхдийн нийгмийн хамгааллыг дэмжих зорилгоор 1 бүтэн өнчин хүүхдийг асран хамгаалахад 11 дэх жилдээ дэмжлэг үзүүлэн сар бүр хадгаламжийн дансанд хуримтлал үүсгэн байршуулж ирээдүйд нь хувь нэмэр оруулж буй хүүхдээ хэлтэстээ урьж гарын бэлэг өгч баярлуулав.

Байгууллагын хүүхдийн эрх хамгаалах ажлын хүрээнд тохижуулан засварласан хүүхдийн өрөөний хэвийн үйл ажиллагааг хангаж тогтмол цэвэрлэгээ үйлчилгээг хийж, ширээ сандал, тоглоом болон бусад тавилгын бүрэн бүтэн байдал, өрөөний өнгө үзэмжид байнга анхаар засвар үйлчилгээг хийж албан хаагчдын хүүхдүүд цэцэрлэг, сургуулиа тараад эцэг эхийн ажил дээр ирэх үед хичээлээ хийх, тоглох, хөгжих боломжийг олгож байна.

XVII дугаар жарны “Хилэнт эх” хэмээх модон Луу жилийн Цагаан сарын хүндэтгэлийн золголтыг 2024 оны 02 дугаар сарын 14-ний өдөр хэлтсийн хэмжээнд зохион байгуулж байгууллагын өндөр настны тэтгэвэрт гарсан ахмадуудыг хүлээн авч хүндэтгэл үзүүлснээс гадна Хөвсгөл аймгийн хэлтсийн даргын 2024 оны 05 дугаар сарын 03-ны өдрийн А/03 тоот “Ахмадын зөвлөл байгуулах тухай” тушаал батлагдаж “Ахмадын сан” хуримтлалын санг үүсгэв.

Орон сууц худалдан авах, ипотекийн зээлд хамрагдахаар төлөвлөж буй албан хаагчдын судалгааг гаргаж, хямд чанар сайтай орон сууцанд орох боломжийг судлах шат дараалсан арга хэмжээг авч хэрэгжүүлэх арга хэмжээний хүрээнд эхний хагас жилд ерөнхий нягтлан бодогч Б.Мөнхдэлгэр болон эд хөрөнгийн эрхийн улсын бүртгэгч Б.Цэнд-Аюуш нар нь шинэ баригдсан орон сууцанд орж, ипотекийн зээлд хамрагдав.

“Тод онош” эмнэлзүйн лабораторын Зул бадам төслийн урилгаар Хөвсгөл аймагт ажиллах хугацаанд улсын бүртгэлийн хэлтсийн нийт 22 албан хаагч Хөвсгөл аймагт хийгдэдгүй хеликобактерийг амьсгалаар тоолох шинжилгээ болон хавдрын маркерын шинжилгээнд хамрагдаж зөвлөгөө мэдээллэл авав.

2024 оны 05 дугаар сарын 06-ны өдөр Эрүүл мэндийн сургагч багш Г.Дашжаргалыг урьж хэлтсийн албан хаагчдад эрүүл зөв амьдралын хэвшил олгох, эрүүл зөв хооллох талаар “Эрүүл аж төрөх соёл” сэдэвт сургалтанд хамрууллаа.

Ренчинлхүмбэ сум, Тариалан сум, Цагаан-Уул сум, Улаан-Уул зэрэг сумын улсын бүртгэгч нарыг тухайн сумын Засаг даргын тамгын газрын нэгдсэн зохион байгуулалттайгаар Улаанбаатар хот дахь Төрийн тусгай албан хаагчдын эмнэлэг, Орхон аймгийн Эрдэнэт Медипас эмнэлэгүүдэд хийгдэж буй эрүүл мэндийн бүтэн биеийн оношлогоо, шинжилгээнд хамрагдахад 5 хүртэлх хоногийн чалинтай чөлөө олгож мөн албан хаагчдийн хүсэлтийн дагуу эмчлүүлэх зайлшгүй шаардлагатай тусламж шаардлагатай бага насны хүүхэд албан хаагчдад эмнэлэгт хэвтэн эмчлүүлэх, болон богино хугацааны цалинтай чөлөөг чөлөөний хуудсаар олгож үүрэгт ажлыг нь бусад албан хаагчаар давхар гүйцэтгүүлэх байдлаар зохицуулалт хийж ажилласан байна.

Хөвсгөл аймгийн Эрүүл мэндийн газраас зохион байгуулсан “Энэ жилдээ Эрүүл жиндээ-2- арга хэмжээний хүрээнд 2024 оны 04 дүгээр сарын 23-ны өдөр Хөвсгөл аймгийн биеийн тамирын спортын газрын Нийтийн биеийн тамирын арга зүйч Б.Батаа, Б.Пагамдулам нарыг урьж хэлтсийн 20 албан хаагчийн биеийн тэнцвэр, хурд хүчний сорил авч, биеийн жингийн индекс тооцуулж, биед гарсан өөрчлөлтийн талаарх зөвлөгөө мэдээлэл авав.

Хөвсгөл аймгийн Засаг даргын 2024 оны 03 дугаар сарын 07-ны өдрийн А/96 дугаар захирамжийн хүрээнд “Хөвсгөл Марафон-2024” улсын уралдааныг Мөрөн сумын Чингүнжавын талбайд 2024 оны 04 дүгээр сарын 21-ний өдөр зохион байгуулсан бөгөөд тус хэлтсийн 6 албан хаагч 3 хүрэл медаль, 8,9,10 дугаар байр эзэлж амжилттай оролцов.

Хэлтэс нь албан хаагчдын дунд “Энэ жилдээ Эрүүл жиндээ-2” аяны хүрээнд зохион байгуулах арга хэмжээний удирдамжийг боловсруулан баталж 2024 оны 05 дугаар сарын 02, 03-ны өдрүүдэд

- Ширээний теннис,
- Дартс шидэлт,
- Спорт өрөлт зэрэг тэмцээнүүдийг эрэгтэй, эмэгтэй ангилалд хувааж, бүх албан хаагчдыг ирц бүрэн хамруулан амжилттай зохион байгуулж, байр эзлүүлэв.

Баянзүрх сумын улсын бүртгэгч Н.Азжаргал 2024 оны 5 дугаар сарын 10-11-ний өдрүүдэд Улаан-Уул сумын ЗДТГ, ИТХ-с зохион байгуулсан “Шишгэд бүсийн урлаг спортын наадам” 2024 тэмцээнд гар бөмбөгийн тэмцээнд баг хамт олноороо амжилттай оролцсон байна.

Тариалан сумын улсын бүртгэгч М.Номиндарь нь 2024 оны 04 дүгээр сарын 19-ний өдөр “Төрийн албан хаагчдын урлагийн тэмцээн 2024” арга хэмжээ, 05 дугаар сарын 11-12-ны өдрүүдэд Тариалан сумын төгсөгчдийн сагсан бөмбөгийн тэмцээнд баг хамт олноороо амжилттай оролцсон байна.

Төмөрбулаг сумын улсын бүртгэгч Д.Пүрэвдорж нь 2024 оны 05 дугаар сарын 01-04-ний өдрүүдэд Төмөрбулаг сумын ЗДТГ-ын албан хаагчдын дунд зохион байгуулсан “Гар бөмбөгийн тэмцээн”-д амжилттай оролцсон байна.

Хөвсгөл аймгийн Эрүүл мэндийн газраас зохион байгуулсан “Энэ жилдээ Эрүүл жиндээ-2- арга хэмжээний хүрээнд хэлтсийн бүх албан хаагчид 8 цаг 30 минутаас 09 цаг хүртэл өдөр бүр “Ажлын байрны дасгал”- г тогтмол хийж хэвшүүлэв.

Улаан-Уул сумын улсын бүртгэгч Т.Энхбаяр нь “Энэ жилдээ, эрүүл жиндээ-2” аяны хүрээнд ЗДТГ-ын бүх албан хаагчид өдөр бүр 11:00 цагт дасгал хөдөлгөөн хийж эрүүл мэнддээ анхаарч байна.

3. ИРГЭНИЙ УЛСЫН БҮРТГЭЛИЙН ҮЙЛ АЖИЛЛАГАА

Хөвсгөл аймгийн Улсын бүртгэлийн хэлтсийн Иргэний улсын бүртгэлийн тасаг нь 2024 оны эхний хагас жилд Монгол улсын үндсэн хууль, Улсын бүртгэлийн ерөнхий хууль, Гэр бүлийн тухай хууль, Иргэний улсын бүртгэлийн тухай хууль, Иргэний улсын бүртгэл хөтлөх журам, Монгол улсын нутаг дэвсгэрт иргэн шилжин суурьших хөдөлгөөнийг бүртгэх, мэдээлэх журам болон холбогдон гарсан бусад дүрэм журмыг үйл ажиллагаандаа хэрэгжүүлэн Иргэний улсын бүртгэлийн үйл ажиллагаанд хүний эрх, эрх чөлөө, хууль ёсны ашиг сонирхолыг хүндэтгэх, иргэний хувийн нууцыг чандлан хамгаалах зарчмыг баримтлан ажиллалаа. Бүртгэлийн байгууллагын эрхэм зорилгын хүрээнд аймгийн нийт сумдад анхан шатны бүртгэлийн үйлчилгээг үзүүлэн ажиллаж байна.

Нэг. Иргэний улсын бүртгэлийн чиглэлээр:

2024 оны 5 дугаар сарын 25-ны байдлаар Төрсний бүртгэл 878 үүнээс эрэгтэй 454, эмэгтэй 424, Гэрлэсний бүртгэл 167 үүнээс анхны гэрлэлт 133, дахин гэрлэлт 33 Гэрлэлт сэргээсний бүртгэл 1, Гэрлэлт дуусгавар болсны бүртгэл 69, үүнээс захиргааны журмаар 19, шүүхийн журмаар 50, Үрчилсний бүртгэл 22, Эцэг /эх/ тогтоосны бүртгэл 49, Ургийн овог, эцэг/эх/-ийн нэр, өөрийн нэр өөрчилсний бүртгэл 44, нас барсны бүртгэл 381, бүртгэл хийгдэж цахим мэдээллийн санд баталгаажсан байна.

1991-2001 онд төрсөн иргэдийн төрсний бүртгэлд эцэг, эхийн регистрийн дугаарыг алдаатай буруу, дутуу бүртгэснээс зөрчилтэй байгаа 51 иргэний бүртгэлийн ХААТР, ИУБ маягтыг архиваас татан авч цахимжуулан хяналтын улсын байцаагчийн 4865 дугаартай нэгдсэн дүгнэлтээр бүртгэлийн зөрчлийг арилгаж нэмэлт өөрчлөлтийн бүртгэл хөтлөн ажилласан байна.

1988, 1989, 2008 онд төрсөн иргэдийн иргэний улсын бүртгэлийн мэдээллийн санд алдаатай төлөвтэй байгаа 18 иргэний бүртгэлийн зөрчлийг арилгасан.

Гэрлэлтийн бүртгэл нь мэдээллийн санд бүртгэлгүй 35 иргэний бүртгэлийг цахимжуулан нөхөн бүртгэж мэдээллийн санд оруулан зөрчлийг арилгасан.

Хяналтын улсын байцаагчийн дүгнэлтээр 10 иргэний регистрийн дугаарыг ИУБ-25 маягтаар өөрчлөн бүртгэлийг мэдээллийн санд оруулсан.

2006, 2007, 2008 онд төрсөн иргэний үнэмлэх авах насанд хүрсэн 77 иргэний ургийн овгийн зөрчлийг хяналтын улсын байцаагчийн 4865 дугаартай нэгдсэн дүгнэлтийг үндэслэн нэмэлт өөрчлөлтийн маягт бичиж цахимжуулан зөрчил арилган ажилласан байна.

Иргэний улсын бүртгэлийн мэдээллийн сангийн нэрийн санд гэрлэлтийн төлөв өөрчлөх 51 иргэний хүсэлтийг хүлээн авч иргэний улсын бүртгэлийн мэдээллийн санд шалган хяналтын улсын байцаагчийн нэгдсэн дүгнэлтээр төлөв өөрчилсөн байна.

Иргэний улсын бүртгэлийн /ИУБ/ маягтуудыг үсгийн дарааллар галиглан УБЕГ-ын нэгдсэн архивт /А/ талыг, Б” талыг иргэний баримтын архивт жагсаалтын хамт хүргүүлсэн байна.

Улсын бүртгэлийн ерөнхий газар болон иргэний улсын бүртгэлийн газраас ирүүлсэн 2024 оны 01 дүгээр сарын 17-ны өдрийн 1/655 дугаартай “Үүрэг чиглэл хүргүүлэх тухай”, 2024 оны 01 дүгээр сарын 25-ны өдрийн 3/1100 дугаартай “Чиглэл хүргүүлэх тухай”, 2024 оны 04 дүгээр сарын 03-ны өдрийн 3/4273 дугаартай “Зөвлөмж мэдээлэл хүргүүлэх тухай”, 2024 оны 04 дүгээр сарын 15-ны өдрийн 6/4865 дугаартай “Үүрэг даалгавар хүргүүлэх тухай”, 2024 оны 04 дүгээр сарын 16-ны өдрийн “Зөвлөмж хүргүүлэх тухай”, 2024 оны 4 дүгээр сарын 25 ны өдрийн А/61 тушаал, 2024 оны 04 дүгээр сарын 26-ны өдрийн 3/5531 дугаартай “Иргэний шилжилт хөдөлгөөнийг түр зогсоох тухай” зөвлөмж чиглэлийг тухайн цаг бүрт сумдын улсын бүртгэгч нарт мэдээлэл хүргүүлэн хэрэгжилтийг ханган ажиллаж байна.

Хоёр. Иргэний шилжилт хөдөлгөөний бүртгэлийн чиглэлээр:

2024 оны 4 дүгээр сарын 26-ны байдлаар бусад аймаг хотоос бүр мөсөн шилжин ирсэн 394 бүртгэл үүнээс насанд хүрсэн 256, хүүхэд /16-аас доош насны/ 138, сум хооронд шилжин ирсэн 764 бүртгэл үүнээс насанд хүрсэн 478, хүүхэд /16-аас доош насны / 286, баг хооронд шилжин ирсэн 807 бүртгэл үүнээс насанд хүрсэн 408, хүүхэд /16-аас доош насны/ 399 иргэний бүртгэл хийгдэж цахим мэдээллийн санд баталгаажсан байна.

Монгол Улсын Их Хурлын сонгуулийн тухай хуулийн 25 дугаар зүйлийн 25.1 дэх хэсэт заасны дагуу иргэний шилжилт хөдөлгөөний бүртгэлийг түр зогсоохтой холбоотойгоор Улсын бүртгэлийн ерөнхий газрын даргын 2024 оны 4-р сарын 16-ны 1/4924 дугаартай “Зөвлөмж хүргүүлэх тухай” албан бичиг, Иргэний улсын бүртгэлийн газрын даргын 2023 оны 11-р сарын 16 ны өдрийн 3/10685 “Зөвлөмж, чиглэл хүргүүлэх тухай” чиглэлийн хүрээнд иргэний шилжилт хөдөлгөөний бүртгэлд тогтмол хяналт тавин ажиллаж Улсын бүртгэлийн ерөнхий газрын даргын 2024 оны 4-р сарын 25 ны өдрийн А/61 тушаалын дагуу иргэний шилжилт хөдөлгөөний бүртгэлийг түр зогсоон, бүртгэлд хяналт тавин ажиллаж байна.

Иргэний баримтын архивт хадгалагдаж байгаа тодорхойгүй төлөвтэй 1100 иргэний хувийн хэргийг мэдээллийн санд шалгаж нийслэл болон бусад аймгийн хаягтай 637 иргэний ХААТР-11 маягт болон хувийн хэргийг харьяа аймаг нийлэлийн улсын бүртгэлийн хэлтэлт албан бичгээр хүргүүлсэн ба манай аймгийн хаягтай 463 иргэний хувийн хэргийг иргэний баримтын архивт баяжилт хийж ажиллалаа.

Монгол Улсын Их Хурлын сонгууль, Аймаг, нийслэл, сум, дүүргийн иргэдийн төлөөлөгчдийн хурлын сонгуулийн бэлтгэл ажлын хүрээнд 2020-2023 оны иргэний шилжилт хөдөлгөөний бүртгэлийг мэдээллийн сантай тулган шалгаж ажилласан байна. 2024 оны эхний хагас жилд бүртгэгдсэн иргэний шилжилт хөдөлгөөний бүртгэлийн 1142ш ИУБ-22 маягтыг сум тус бүрээр үсгийн дараалалаар галиглан иргэний баримтын архивт хүлээлгэн өгсөн байна.

Гурав.Биеийн давхцахгүй өгөгдлийн бүртгэл буюу Иргэний үнэмлэх олголт:

Биеийн давхцахгүй өгөгдлийн бүртгэл буюу цахим үнэмлэх олголтын 3619 бүртгэл үүнээс шинэ 1093, хаяж үрэгдүүлсэн 1086, дүр төрхийн өөрчлөлт орсон 2, хорин таван насны сунгалт хийлгэсэн 580, дөчин таван насны сунгалт 861 бүртгэл хийгдэж 2536 иргэний цахим үнэмлэхний зураг засч сүлжээнд оруулан хэвлүүлсэн байна.

Шинээр иргэний үнэмлэх авах насанд хүрсэн мөн 25 ба 45 насны сунгалт хийлгэх насад хүрсэн боловч хүндэтгэн үзэх шалтгааны улмаас өөрийн биеэр ирж биеийн давхцахгүй өгөгдөлийн бүртгэлд хамрагдах боломжгүй иргэдийг тухайн байгаа газарт нь очиж ИШБүртгэлд хамруулан бичиг баримтжуулах ажлыг тогтмол зохион байгуулж байна.

УБЕГазар, ИУБГазраас иргэний үнэмлэхийн бүртгэл, биеийн давхцахгүй өгөгдөл /ИУБ31/ бүртгэлтэй холбоотой зөвлөмж чиглэлийг цаг тухай бүрт сумдын улсын бүртгэгч нарт мэдээлэл хүргүүлэн ажиллаж байна.

Хурууны хээ давхардсан, зөрсөн 3 иргэний бүртгэлийг хяналтын улсын байцаагчийн дүгнэлтээр зөрчлийг арилгуулахаар ИУБГазарт хүргүүлсэн байна.

2024 оны эхний хагас жилд бүртгэл хөтөлсөн 2536 ИУБ -31 маягтын А талыг УБЕГ-ын улсын бүртгэлийн нэгдсэн архивт хүргүүлсэн бөгөөд Б талыг иргэний баримтын архивт хүлээлгэн өгч баяжилт хийгдсэн байна.

Дөрөв. Гадаадад зорчих эрхийн бүртгэлийн хүрээнд:

Үндэсний энгийн гадаад паспорт захиалах ажлын хүрээнд нийт шинээр 3704 иргэний гадаад паспортын захиалга авч, 2146 хүсэлтэд Е дугаар бичин 2185 хуудас скайнердаж мэдээллийн санд цахимжуулсан байна.

Хил орчмын нутаг дэвсгэрт хялбарчилсан журмаар зорчих үнэмлэх олгох буюу ОХУ-ын хавсралтын бүртгэл 366 бүртгэгдсэн байна.

Үндэсний энгийн гадаад паспортын бүртгэлийн эрхийг тодорхой сумын улсын бүртгэгч нарт үе шаттайгаар олгох зорилгоор Цэцэрлэг, Цагаан-уул, Тариалан, Их-Уул сумын засаг дарга нарт албан бичиг хүргүүлэн стандартын шаардлага хангасан зургийн аппарат, гэрэлтүүлэг, зэргийг сумын төсвөөс шийдвэрлэж өгөх хүсэлт гарган хөрөнгийн эх үүсвэрийг шийдвэрлүүлэн тухайн сумын улсын бүртгэгч нарт гадаад паспортын болон зураг засварын программын дадлага олгон ажиллаж 2024 оны 3 дугаар сарын 14-ний өдөр “ГЭРТ ОЙР, ГАРТ ОЙР ГАДААД ПАСПОРТ” уриатай гадаад паспортын бүртгэлийн үйлчилгээг сумаасаа авах үйл ажилагааг албан ёсор нээж бүртгэлийн үйлчилгээг иргэн бүрт улам ойр болгон ажиллаж байна.

Хилийн бүс нутаг болох Ханх, Рэнчинлхүмбэ, Цагааннуур сумын ЗДТГазар, ИТХуралтай хамтран 2024 оны 1 дүгээр сарын 16-17-ны өдөр үндэсний энгийн гадаад паспортын бүртгэлийн үйлчилгээг үзүүлэн ажиллаж 237 иргэнд иргэний улсын бүртгэлийн үйлчилгээг газар дээр нь түргэн шуурхай хүргэсэн байна.

Эрдэнэбулган сумын ИТХурал, ЗДТГазрын хүсэлтээр тус суманд 2024 оны 3 дугаар сарын 16-ны өдөр ажиллаж 90 иргэнд гадаад паспортын үйлчилгээг үзүүлэн ажилласан байна. Мөн ОХУ-н Тува улс дахь тож хошуун дахь төрөл төрөгсөд, ахан дүүстэйгээ 60-70 жил уулзаагүй цаатан иргэдийг ахан дүүстэйгээ уулзах боломжийг бүрдүүлэх зорилгоор аймгийн төв орж гадаад паспорт захиалах боломжгүй цаатан иргэдэд 2024 оны 4-р сарын 13 наас 15 ны өдрүүдэд хүрч үйлчлэн “ЦААТНЫ УРЦАНД ЦАХИМ ГАДААД ПАСПОРТ” өдөрлөгийг зохион байгуулан 106 иргэд гадаад паспортын үйлчилгээг үзүүлсэн байна.

Тав. Монгол Улсын Их Хурлын сонгуулийн бэлтгэл ажлын хүрээнд:

Монгол Улсын Их хурлын сонгуулийн тухай хуульд заасны дагуу Хөвсгөл аймгийн 23 сумын сонгуулийн хэсэг байгуулах тухай сумдын ИТХ тогтоолыг хуулийн хугацаанд нь хүлээн авч цахимжуулан, улсын бүртгэлийн мэдээллийн санд хэсгийн төв санал авах байрыг шивж оруулан тогтоолын эх хувийг Иргэний улсын бүртгэлийн газарт хүргүүлсэн байна.

Монгол Улсын Их Хурлын 2024 оны ээлжит сонгуулиар улсын бүртгэлийн байгууллагын хэрэгжүүлэх үйл ажиллагааны ерөнхий төлөвлөгөөний дагуу Хэсэг оноогдоогүй сонгогчид хэсэг оноох, илэрсэн зөрчил арилгах, Итгэмжлэгдсэн ажилтны судалгааг гаргаж Тагнуулын байгууллагад хүргүүлэх, Монгол Улсын Их Хурлын сонгуулийн тухай хуулийн 20 дугаар зүйлийн 6 д заасны дагуу “Түр хасав” төлөв оноосон сонгогчийн мэдээллийг шалгаж “түр хасав” төлөв сэргээх хүсэлтийг хүлээн авч шийдвэрлэн ажиллаж байна.

Монгол Улсын Их Хурлын сонгуулийн тухай хуулийн 25 дугаар зүйлийн 25.1 дэх хэсэт заасны дагуу иргэний шилжилт хөдөлгөөний бүртгэлийг түр зогсоохтой холбоотойгоор Улсын бүртгэлийн ерөнхий газрын даргын 2024 оны 04 дүгээр сарын 16-ны 1/4924 дугаартай “Зөвлөмж хүргүүлэх тухай” албан бичиг, Иргэний улсын бүртгэлийн газрын даргын 2023 оны 11-р сарын 16-ны өдрийн 3/10685 “Зөвлөмж, чиглэл хүргүүлэх тухай” чиглэлийн хүрээнд иргэний шилжилт хөдөлгөөний бүртгэлд тогтмол хяналт тавин ажиллаж Улсын бүртгэлийн ерөнхий газрын даргын 2024 оны 4-р сарын 25 ны өдрийн А/61 тушаалын дагуу иргэний шилжилт хөдөлгөөний бүртгэлийг түр зогсоон, бүртгэлд хяналт тавин ажиллаж байна.

МУИХ-н сонгуулийн сонгогчдын нэрийн жагсаалтыг холбогдох хууль, журмын хүрээнд нятлан шалгаж 2024 оны 05 дугаар сарын 30-31-ний өдөр хэвлэх бэлтгэл ажлыг ханган ажиллаж байна

Зургаа. Иргэний баримтын архивын ажлын хүрээнд:

Тайлант хугацаанд тус хэлтсийн иргэний баримтын архивын лавлагаа, улсын бүртгэлийн мэдээллийн нэгдсэн сангийн "Нээлттэй" мэдээллийг иргэдэд 6266, хууль хяналтын байгууллага болон бусад байгууллагад 217, албан хэрэгцээнд 1020 лавлагааг олгож иргэний баримтын архивт иргэний улсын бүртгэлийн 5288 ИУБ маягтуудын баяжилт хийж хураасан бөгөөд үүнд Төрсний бүртгэл /ИУБ-11/ 878, Үрчилсний бүртгэл /ИУБ-12/ 22, Ургийн овог, эцэг /эх/-ийн нэр, нэр өөрчилсний бүртгэл /ИУБ-13/ 44, Эцэг тогтоосны бүртгэл /ИУБ-14/ 49, Гэрлэсний бүртгэл /ИУБ-15/ 167, Гэрлэлт дуусгавар болсны бүртгэл /ИУБ-16/ 69, Нас барсны бүртгэл /ИУБ-18/ 381, Биеийн давхцахгүй өгөгдөлийн бүртгэл /ИУБ-31/ 2536, шилжин ирсний бүртгэл /ИУБ-22/ 1142, бусад аймаг хотод бүртгэл хийлгэсэн, шилжин ирсэн 79 иргэдийн хувийн хэргийг иргэний баримтын архивт баяжилт хийсэн байна.

Иргэний улсын бүртгэл хөтлөх журмын 22.5 д заасны дагуу иргэний улсын бүртгэлд бүртгүүлэхээр хууль тогтоомжид заасны дагуу бүрдүүлсэн баримт бичгийг 24 сумын улсын бүртгэгчээс татан авч хадгаламжийн нэгж, 2023 оны бүртгэлийн 308 дэвтэр болон бүрдүүлбэрийг хадгалалтын стандартын шаардлагын дагуу хүлээн авч архивт баяжилт хийсэн байна.

Иргэний бүртгэлийн мэдээллийн санд тухайн иргэний болон эцэг, эхийн мэдээлэл зөрсөн болон зөрчилтэй 140 иргэний ХААТР, ИУБ маягт, холбогдох бүртгэлийн дэвтрийн хуулбарыг мөн тухайн бүртгэлтэй холбоотой дэвтэр шүүж зөрчил арилгуулахаар улсын бүртгэгч Б.Дуламсүрэнд хүлээлгэн өгч зөрчил арилган ажилласан байна.

Архивын төлөвлөгөөнд тусгагдсаны дагуу байгууллагын болон иргэний баримтын архив, эд хөрөнгийн эрхийн улсын бүртгэлийн архив, хуулийн этгээдийн улсын бүртгэлийн архивын хадгалах хугацаа нь дууссан баримтын жагсаалтыг гаргаж ББНШК-ын хурлаар хэлэлцэж 14 нэр төрлийн баримт, ИУБ-21, ИУБ-22 маягтыг устгах саналыг УБНА-ын газарт хүргүүлж ажиллаа.

Иргэний баримтын архивын хувийн хэргийн сан болон ИГБББ-ийн дэвтэрүүдийг сэлбэн засаж, хувийн хэргийн санд хадгалагдах иргэдийн хувийн хэргийг тус бүр дугтуйлж, зориулалтын хайрцагт бичилт хийж тавиурт галигийн дагуу байршуулж байна.

Долоо. Цахим гарын үсэг олгох ажлын хүрээнд:

Цахим гарын үсгийн тухай хууль, улсын бүртгэлийн байгууллагаас Монгол улсын 16 насанд хүрсэн иргэнд тоон гарын үсгийн гэрчилгээ олгох, түдгэлзүүлэх, сэргээх, хүчингүй болгох журмын хүрээнд аймгийн Хөвсгөл аймгийн Засаг даргын тамгын газрын 30 албан хаагч, “Хөгжилийн бэрхшээлтэй иргэний хөгжлийн төв”- 15 албан хаагч, Хөвсгөл аймгийн Засаг даргын санаачилсан “ИРГЭДЭЭ СОНСЪЁ” өдөрлөгт 40 иргэнд, Хуульчдын “Про боно” өдөрлөгт 10 иргэнд, сумдын “ХААН БАНК”-наас үйлчилгээ авч байгаа 254 иргэнд цахим гарын үсгийн тухай хууль, холбогдох журмын талаар мэдээлэл өгч тоон гарын үсэг олгох ажлыг зохион байгуулан ажилласан байна.

Хөвсгөл аймгийн 23 сум 1 тосгоны улсын бүртгэгч нар тухайн сумынхаа ЗДТГазартай хамтран нийт төрийн албан хаагчид болон иргэдэд цахим гарын үсгийн тухай хуулийн мэдээлэл өгөх тоон үсэг олгох ажлыг үе шаттайгаар зохион байгуулан ажиллаж байна.

Аймгийн хэмжээнд насан хүрсэн нийт 90464 иргэнд тоон гарын үсэг олгохоос 2023 оны тайлант хугацаанд 51488 иргэнд буюу 57 хувьтай байсан бол 2024 оны тайлант хугацаанд 7157 иргэнд нийт 58645 иргэнд тоон гарын үсэг олгож. Цахим гарын үсэг олголт 64.8 хувьтай явагдаж байна. Мөн хэлтсийн киоск машинаар дамжуулан 3567 иргэнд тоон гарын үсэг олгосон.

Найм. Ил тод байдлыг хангах, бусад байгууллагатай хамтран ажиллах ажлын хүрээнд:



Улсын бүртгэлийн үйлчилгээг иргэдэд түргэн шуурхай, тасралтгүй хүргэх зорилгоор 24/7 цэгийг хэлтсийн үйлчилгээний заал, Хаан банк, Рэнчинлхүмбэ суманд 2024 оны 02 дугаар сарын 06-ны өдөр нээн ажиллуулж иргэдэд тогтмол үйлчилж байна. Мөн 24/7 үйлчилгээг өөрсдийн бүтээсэн Бүртгэлхүү, Бүртгэлмаа контентоор дамжуулан иргэдэд сурталчилсан бөгөөд иргэдийн сэтгэл ханамж өндөр байна.

Улсын бүртгэлийн ерөнхий газрын цахим хуудас, хэлтсийн цахим хуудаст байршуулан мэдээ, мэдээллийг сумдын улсын бүртгэгч нар өөрийн болон сумын фейсбүүк хуудаст тогтмол хуваалцаж, 2024 оны 1-5 дугаар сарын бүртгэлийн чиглэлээр гаргасан 5 инфо график мэдээг 137 удаагийн давтамжтай сурталчлан ажиллаж байна.

Хилийн бүс нутаг болох Ханх, Рэнчинлхүмбэ, Цагааннуур сумын ЗДТГазар, ИТХуралтай хамтран 2024 оны 01 дүгээр сарын 16-17-ны өдөр үндэсний энгийн гадаад паспортын бүртгэлийн үйлчилгээг үзүүлэн ажиллаж 237 иргэнд иргэний улсын бүртгэлийн үйлчилгээг газар дээр нь түргэн шуурхай хүргэсэн байна.

Аймгийн Засаг даргын саачилгаар 2024 оны 04 дүгээр сарын 8-ны өдөр зохион байгуулсан “ИРГЭДЭЭ СОНСЪЁ” өдөрлөг орлцож 40 иргэнд тоон гарын үсэг олгож, 5 иргэнд иргэний улсын бүртгэлийн үйлчилгээг үзүүлсэн байна.

Ес. Иргэний улсын бүртгэлийн сүүлийн 3 жилийн судалгааг графикаар харуулав



4. ЭД ХӨРӨНГӨ, ХУУЛИЙН ЭТГЭЭДИЙН УЛСЫН БҮРТГЭЛИЙН ҮЙЛ АЖИЛЛАГАА

Тус хэлтсийн хуулийн этгээд, эд хөрөнгийн эрхийн бүртгэлийн тасаг нь тайлант хугацаанд Улсын бүртгэлийн ерөнхий хууль, Эд хөрөнгийн эрхийн улсын бүртгэлийн тухай хууль, Эд хөрөнгийн эрхийн улсын бүртгэл хөтлөх журам, Үл хөдлөх эд хөрөнгийн барьцааны тухай хууль, Хуулийн этгээдийн улсын бүртгэлийн тухай хууль, Хуулийн этгээдийн бүртгэлтэй холбоотой хуулийн этгээдийн улсын бүртгэл хөтлөх журам, Хуулийн этгээдийн нэр олгох, баталгаажуулах журам, Иргэн, хуулийн этгээдийн тамга тэмдэг баталгааны тэмдэг хийлгэх үйл ажиллагаанд хяналт тавих, лавлагаа олгох журам болон бусад холбогдох хууль, журам, Улсын тэмдэгтийн хураамжийн тухай хууль, Татварын ерөнхий хууль, Иргэний хууль, Нотариатын тухай хууль, Хоршооны тухай хууль, Компаний тухай хууль болон тэдгээртэй нийцүүлэн гаргасан бусад хууль тогтоомж, Улсын бүртгэлийн үйлчилгээний хөлсний хэмжээг шинэчлэн тогтоох тухай Монгол улсын засгийн газрын 2020.12.23-ны өдрийн 230 дугаар тогтоол, УБЕГ-аас ирүүлсэн чиглэл, журмын хүрээнд эд хөрөнгийн эрхийн бүртгэл болон хуулийн этгээдийн улсын бүртгэлийн үйлчилгээг иргэдэд түргэн шуурхай чирэгдэлгүй хүргэн ажиллалаа. 2024 оны эхний хагас жилд эд хөрөнгийн эрхийн улсын бүртгэлийн нийт **6033** мэдүүлэг хүлээн авч, холбогдох бүртгэлийг хөтлөн ажилласан ба хуулийн этгээдийн улсын бүртгэлийн чиглэлээр **487** материал хүлээн авч хүлээн хөтөлсөн байна.

Тайлант хугацаанд Улсын бүртгэлийн ерөнхий газрын даргын тушаал 2, үүрэг, чиглэл 1, Улсын бүртгэлийн ерөнхий газрын тамгын газрын даргаас ирүүлсэн 1 чиглэл, Эд хөрөнгийн эрхийн улсын бүртгэлийн газраас ирүүлсэн 6 чиглэл, Хуулийн этгээдийн улсын бүртгэлийн газраас ирүүлсэн 5 чиглэл зөвлөмжийг улсын бүртгэгч нарт тухай бүр танилцуулан үйл ажиллагаандаа мөрдөн ажиллаж байна. Мөн Хяналт шалгалтын газрын хяналтын улсын байцаагчийн “Зөрчил арилгах тухай” 05 дугаартай албан шаардлагыг хэрэгжүүлэн ажиллаж тайланг хугацаанд нь хүргүүлсэн.

Шинээр батлагдан гарсан хууль, тогтоомж болон цаг үеийн үйл ажиллагаатай холбогдуулан Улсын бүртгэлийн ерөнхий газар, эд хөрөнгийн эрхийн улсын бүртгэлийн газраас ирүүлсэн чиглэл, дүрэм журмуудыг уншиж судлан хэрэгжилтийг ханган холбогдох ажлуудыг зохион байгуулан ажиллалаа.

НЭГ. ЭД ХӨРӨНГИЙН ЭРХИЙН УЛСЫН БҮРТГЭЛИЙН ЧИГЛЭЛЭЭР:

Иргэдээс “Эд хөрөнгийн эрхийн улсын бүртгэлийн тухай хууль”-ийн 14 дүгээр зүйлийн 14.1.7-д заасан шалтгаанаар хувийн хэрэг хаалгахаар ирүүлсэн хүсэлт холбогдох баримт бичиг, мэдүүлгийг үндэслэн үл хөдлөх эд хөрөнгийн эрхийн улсын бүртгэлийн 8, газар өмчлөх эрхийн улсын бүртгэлийн 4 хувийн хэрэг бүртгэлийг Улсын бүртгэлийн ерөнхий газрын даргын 2023 оны 8 дугаар сарын А/1614 дугаар тушаалаар тус тус хаасан байна.

Мөн иргэн хуулийн этгээдээс үрэгдүүлсэн гэрчилгээг дахин авах тухай өргөдөл хүсэлт, нотлох баримтыг үндэслэн хяналтын улсын байцаагчийн дүгнэлтээр хүчингүйд тооцуулж үл хөдлөх эд хөрөнгийн эрхийн улсын бүртгэлийн 7, газар өмчлөх эрхийн 11 гэрчилгээг дахин олгож ажиллалаа.

Тайлант хугацаанд бүртгэсэн эд хөрөнгийн эрхийн улсын бүртгэлийг төрөл тус бүрээр ангилан авч үзвэл:

1.1 Үл хөдлөх эд хөрөнгө өмчлөх эрхийг анх удаа бүртгэх:


Газар өмчлөх эрх болон газраас бусад үл хөдлөх эд хөрөнгийн эрхийн улсын бүртгэлийн анхны бүртгэлийн үйчилгээг иргэдэд хуулийн хугацаанд түргэн шуурхай үзүүлж газар өмчлөх эрхийн бүртгэл нийт **72**, газраас бусад үл хөдлөх эд хөрөнгийн анхны бүртгэл **415**-г бүртгэж нийт **487** хувийн хэрэг шинээр үүсгэн архивт байрлуулсан байна.



Газраас бусад үл хөдлөх эд хөрөнгийг анх удаа бүртгэх бүртгэлийн тоон үзүүлэлтийг сүүлийн 3 жилээр харьцуулбал:





Газар өмчлөх эрхийг анх удаа бүртгэх бүртгэлийн тоон үзүүлэлтийг сүүлийн 3 жилээр харьцуулбал:



1.2. Барьцааны бүртгэл /ипотек/:

Тайлант хугацаанд үл хөдлөх эд хөрөнгийн эрхийн улсын бүртгэлийн барьцааны бүртгэлийн **2945** мэдүүлэг хүлээн авч бүртгэсэн ба үүнээс барьцаалбартай барьцааны гэрээ **798**, барьцаалбаргүй барьцааны гэрээ **579**, барьцааны гэрээнд өөрчлөлт оруулах **26**, барьцааны гэрээ дуусгавар болгох **1542**-г тус тус хүлээн авч бүртгэсэн.


Мөн газар өмчлөх эрхийн барьцааны бүртгэлийн **1558** мэдүүлэг хүлээн авсан ба үүнээс барьцаалбаргүй барьцааны гэрээ **722**, барьцааны гэрээнд өөрчлөлт оруулах **3**, барьцааны гэрээ дуусгавар болгох **832**-г тус тус хүлээн авч бүртгэсэн байна.




1.3. Үл хөдлөх эд хөрөнгө өмчлөх эрх болон түүнтэй холбоотой эд хөрөнгийн бусад эрхийн шилжилтийг бүртгэх:

2024 оны эхний хагас жил үл хөдлөх эд хөрөнгийн эрхийн улсын бүртгэлийн гэрээний бүртгэл **384**, газар өмчлөх эрхийн гэрээний бүртгэл **253** нийт **637** мэдүүлэг хүлээн авч бүртгэл хөтөлсөн байна. Үүнээс бэлэглэлийн гэрээгээр **76**, ХХАГ-ээр **380**, өв залгамжлалаар өмчлөгч өөрчлөгдөх **100**, хамтран өмчлөгч өөрчлөгдөх бүртгэлээр **77**, өмчлөгчийн үүсгэн байгуулсан ХЭ-ээс иргэнд, иргэн үүсгэн байгуулсан ХЭ-ийн өмчлөлд өмчлөх эрх шилжих **3**, өмчлөх эрх шилжүүлэх гэрээгээр **1** бүртгэл тус тус бүртгэсэн байна.

Үл хөдлөх эд хөрөнгө өмчлөх эрхийн шилжилтийн бүртгэлийн тоон үзүүлэлтийг сүүлийн 3 жилээр харьцуулбал:




Газар өмчлөх эрхийн шилжилтийн бүртгэлийн тоон үзүүлэлтийг сүүлийн 3 жилээр харьцуулбал:




1.4. Эрхийн улсын бүртгэлд нэмэлт өөрчлөлт оруулах:

Тайлант хугацаанд эд хөрөнгийн эрхийн улсын бүртгэлийн нэмэлт өөрчлөлт оруулах **372** мэдүүлэг хүлээн авч холбогдох өөрчлөлтийг бүртгэсэн байна. Үүнээс үрэгдүүлсэн гэрчилгээ шинээр олгох **18**, гэмтээсэн гэрчилгээ шинээр олгох **16**, эд хөрөнгийн хэмжээ өөрчлөгдөх **121**, эд хөрөнгийн зориулалт өөрчлөгдөх **8**, эд хөрөнгийн хаяг өөрчлөгдөх **198**, газрын нэгж талбарын дугаар өөрчлөгдөх **11**-г тус тус бүртгэж, холбогдох материалыг архивт хүлээлгэн өгч ажиллалаа.

Газраас бусад үл хөдлөх эд хөрөнгө өмчлөх эрхийн бүртгэлд нэмэлт өөрчлөлт оруулах бүртгэлийн тоон үзүүлэлтийг сүүлийн 3 жилээр харьцуулбал:



Газар өмчлөх эрхийн бүртгэлд нэмэлт өөрчлөлт оруулах бүртгэлийн тоон үзүүлэлтийг сүүлийн 3 жилээр харьцуулбал:



1.5. Лавлагаа хуулбар олголт:

Тайлант хугацаанд газар өмчлөх эрх болон газраас бусад үл хөдлөх эд хөрөнгийн нийт 287 лавлагаа, 3 хуулбар олгосон байна.



1.6. Бусад бүртгэл:

2024 оны эхний хагас жилд урьчилсан тэмдэглэл хийх бүртгэл-16, урьчилсан тэмдэглэл хүчингүй болгох бүртгэл-4, түрээсийн гэрээ-3-г тус тус бүртгэсэн байна. Мөн Монголын Ипотекийн корпораци ОССК /МИК/-аас цахимаар илгээсэн барьцааны гэрээ дуусгавар болгох бүртгэлийн 7 мэдүүлэг хүлээн авч 1 мэдүүлгийг татгалзаж, 6 барьцааны гэрээ дуусгавар болгох бүртгэлийг бүртгэсэн байна.

ХОЁР. ХУУЛИЙН ЭТГЭЭДИЙН УЛСЫН БҮРТГЭЛИЙН ЧИГЛЭЛЭЭР:


2.1. Хуулийн этгээд шинээр үүсгэн байгуулах бүртгэл:

2024 оны эхний хагас жил шинээр үүсгэн байгуулах хуулийн этгээдийн 267 материалыг хүлээн авч улсын бүртгэлд бүртгэн, хувийн хэрэг нээн архивт хүлээлгэн өгч ажиллалаа. Шинээр хуулийн этгээдийн нэрийн баталгаажуулалтын 281-ийг хүсэлт шийдвэрлэсэн байна


Шинээр байгуулагдсан хуулийн этгээдийг төрлөөр нь ангилбал:

- Хязгаарлагдмал хариуцлагатай компани -**152**,
- Хоршоо -**98**,
- Орон нутгийн өмчит аж ахуйн тооцоотой үйлдвэрийн газар-**1**
- Төрийн бус байгууллага /НҮТББ/ -**8**
- Төрийн бус байгууллага /ГҮТББ/ -**2**
- Нөхөрлөл-**1**
- Улсын төсөвт үйлдвэрийн газар - **1**
- Төрийн байгууллага албан газар - **4**-ыг газрыг тус тус бүртгэж хувийн хэрэг үүсгэж цахимжуулан архивт хүлээлгэн өгсөн байна.


Хуулийн этгээд шинээр үүсгэн байгуулах бүртгэлийн тоон үзүүлэлтийг сүүлийн 3 жилээр харьцуулбал:



Шинээр үүсгэн байгуулсан Хязгаарлагдмал хариуцлагатай компанийн бүртгэлийн тоон үзүүлэлтийг сүүлийн 3 жилээр харьцуулбал:



Шинээр үүсгэн байгуулсан Хоршооны бүртгэлийн тоон үзүүлэлтийг сүүлийн 3 жилээр харьцуулбал:




Мөн **e.business.mn**-ээр нийт **314** нэрийн баталгаажилтын хүсэлт, болон **2** хязгаарлагдмал хариуцлагатай компанийн бүртгэл хийлгэх хүсэлтийг шийдвэрлэсэн байна.

2.2 Хуулийн этгээдийн мэдээлэлд оруулсан өөрчлөлтийн бүртгэл:


Тайлант хугацаанд хуулийн этгээдийн улсын бүртгэлийн мэдээлэлд оруулсан өөрчлөлтийн бүртгэл 220-г хүлээн авч холбогдох бүртгэлийг хөтлөн, хувийн хэрэгт баяжилт хийсэн байна. Үүнээс:

- Хуулийн этгээдийн бүртгэлийн гэрчилгээгээ гээгдүүлсэн буюу гэмтээсэн бусад шалтгаанаар **45**,
- Хуулийн этгээдийн эрх шилжүүлэх болон худалдах, худалдан авах гэрээ, бэлэглэх гэрээ, өв залгамжлагчаар үүсгэн байгуулагч, хувьцаа эзэмшигч өөрчлөгдсөн, хаяг, эрхлэх үйл ажиллагааны чиглэл дүрмийн сан, гишүүн нэмэх хасах бусад шалтгаанаар бүртгэлийн мэдээлэлдээ өөрчлөлт оруулсан **174**
- татан буугдсан **1** хуулийн этгээдийн холбогдох материалыг хүлээн авч бүртгэн хувийн хэрэгт баяжилт хийн цахимжуулан архивт хуулийн хугацаанд хүлээлгэн өглөө.

Хуулийн этгээдийн улсын бүртгэлийн мэдээлэлд оруулсан өөрчлөлтийн бүртгэлийн тоон үзүүлэлтийг сүүлийн 3 жилээр харьцуулбал:




Хуулийн этгээдийн дахин олгосон гэрчилгээний тоон үзүүлэлтийг сүүлийн 3 жилээр харьцуулбал:





2.3 Хуулийн этгээдийн лавлагаа, хуулбар:

Тайлант хугацаанд хуулийн этгээдийн улсын бүртгэлийн чиглэлээр 49 лавлагаа, 13 хуулбар олгосон байна.



2.4 Иргэн хуулийн этгээдийн тамга, тэмдэг баталгааны тэмдэг хийлгэх үйл ажиллагаанд хяналт тавих:

Иргэн хуулийн этгээдийн тамга, тэмдэг баталгааны тэмдэг хийлгэх үйл ажиллагаанд хяналт тавих, лавлагаа олгох журмын дагуу 191 хуулийн этгээдэд тэмдэг, баталгааны тэмдэгийн хяналтын дугаарыг олгож 2024 оны 5 дугаар сарын 25-ны байдлаар татан буугдсан, хэлбэр ашиглалтын шаардлага хангахгүй болон бусад шалтгаанаар хураагдсан 33 ширхэг хуулийн этгээдийн тамга тэмдэг, баталгааны тэмдгийг хадгалалт хамгаалалтын шаардлага хангасан сейф шүүгэнд хадгалж хуулийн хугацаанд нь устгах ажлыг зохион байгуулан ажиллаж байна.



ГУРАВ. АРХИВЫН ҮЙЛ АЖИЛЛАГААНЫ ТАЛААР:

Архивын баримтын хадгалалт хамгаалалт, аюулгүй байдалд байнгын хяналт тавин ажиллаж байна. 2024 оны архивын үйл ажиллагааны төлөвлөгөө боловсруулан хэлтсийн даргаар батлуулан хэрэгжилтийг ханган ажиллаж эхний хагас жилд хийгдэх ажлуудыг хийж тайланг гаргасан.

2024 оны 5 дугаар сарын 25-ны өдрийн байдлаар тус хэлтсийн эд хөрөнгийн эрхийн улсын бүртгэлийн архивт газраас бусад үл хөдлөх эд хөрөнгийн 19177, газар өмчлөх эрхийн 13346, нийт 32523 хувийн хэрэг байна.

2023 оны эхний хагас жилд шинээр 487 хувийн хэрэг нээж эд хөрөнгийн эрхийн улсын бүртгэлийн архивт хүлээн авч байрлуулсан ба 5546 хувийн хэрэгт баяжилт хийсэн байна. .

Хуулийн этгээдийн улсын бүртгэлийн архивт 2024 оны 5 дугаар сарын 25-ны өдрийн байдлаар цахим санд бүртгэлтэй 3380 , татан буугдсан 326 шинэчилсэн бүртгэлд хамрагдаагүй 135, хасагдсан 89 хувийн хэрэг байршиж байна.


2024 оны эхний хагас жилд 267 шинэ хувийн хэрэг нээж хуулийн этгээдийн улсын бүртгэлийн архивт байрлуулсан ба 219 хувийн хэрэгт баяжилт, тэмдэглэгээг хийж архивт буцаан байрлуулсан байна.

Тайлант хугацаанд Хяналтын улсын байцаагчид эд хөрөнгийн эрхийн улсын бүртгэлийн 617 хувийн хэрэг, хуулийн этгээдийн улсын бүртгэлийн 109 хувийн хэргийг тус тус татаж шалгуулан хувийн хэргийг буцаан байрлуулсан.


2024 оны 1 дүгээр улиралд олгосон Эд хөрөнгийн эрхийн улсын бүртгэлийн болон хуулийн этгээдийн улсын бүртгэлийн лавлагааны мэдүүлэг нотлох баримтыг 250 нэгжээр баримт үүсгэн үдэн архивын санд байршуулсан.

Эд хөрөнгийн эрхийн улсын бүртгэлийн болон хуулийн этгээдийн улсын бүртгэлийн архивын хадгалах хугацаа нь дууссан баримтуудын судалгаа гаргаж ББНШК-ын хурлаар хэлэлцүүлэн устгах саналыг УБЕГ-ын НАГ-т хүргүүлэн ажиллалаа.

Эд хөрөнгийн эрхийн улсын бүртгэлийн архивын хувийн хэргийн тоог сүүлийн 3 жилээр харьцуулбал



Хуулийн этгээдийн улсын бүртгэлийн архивын хувийн хэргийн тоог сүүлийн 3 жилээр харьцуулбал



ДӨРӨВ. МЭДЭЭ ТАЙЛАН, ХУГАЦААТАЙ АЛБАН БИЧГИЙН ШИЙДВЭРЛЭЛТ:

Тайлант хугацаанд эд хөрөнгийн эрхийн улсын бүртгэл болон хуулийн этгээдийн улсын бүртгэлийн тоон мэдээг хөдөлмөрийн дотоод журамд заасны дагуу сар бүрийн 25-ны өдрөөр тасалбар болгон эд хөрөнгийн эрхийн улсын бүртгэлийн газар, хуулийн этгээдийн улсын бүртгэлийн газарт тус тус хүргүүлж ажиллалаа.

Улсын бүртгэгч нар гэрчилгээ болон үнэт цаасны зарцуулалтын тайланг сар бүр гаргаж хэлтсийн ерөнхий нягтлан бодогчоор хянуулж тооцоо нийлж ажиллаж байна.

Хөвсгөл аймгийн Шүүхийн шийдвэр гүйцэтгэх газар, Прокуорын газар, Сум дундын иргэний хэргийн анхан шатны шүүх, Хөвсгөл аймаг дахь Цагдаагийн газраас ирүүлсэн эд хөрөнгийн эрхийн улсын бүртгэлтэй холбоотой 89, хуулийн этгээдийн улсын бүртгэлийн 19 албан бичгийн хариу лавлагаа мэдээллийг хугацаанд хүргүүлсэн. Мөн Шүүхийн шийдвэр гүйцэтгэх газраас ирүүлсэн албан бичиг тогтоол шийдвэрийн дагуу 56 эрхийн улсын бүртгэлд тусгай тэмдэглэл хийж, 50 эрхийн улсын бүртгэлийн тусгай тэмдэглэлийг хүчингүй болгосон байна. Мөн ҮЦСК-ийн хүсэлтийн дагуу 7 эрхийн улсын бүртгэлийн тусгай тэмдэглэлийг хүчингүй болгож бүртгэлээ.

ТАВ. МЭДЭЭЛЭЛ СУРГАЛТ, СУРТАЛЧИЛГАА

2024 оны 02 дугаар сарын 21-ний өдөр Хөвсгөл аймгийн Хөдөө аж ахуйн газартай хамтран “Жижиг дунд үйлдвэрлэлийг хөгжүүлэх сангийн хөнгөлөлттэй зээлийн мэдээлэл өгөх” зорилгоор Нэг цонхны үйлчилгээний төвд хуулийн этгээдийн улсын бүртгэгч П. Даваадулам ажиллаж 31 иргэнд зөвлөгөө мэдээлэл, 5 хуулийн этгээдэд хуулийн этгээдийн дэлгэрэнгүй лавлагааг өгч ажиллалаа.

2024 оны 03 дугаар сарын 14, 15-ны Тариалан, Их-Уул, Эрдэнэбулган сумдад гадаад паспортын үйлчилгээг нэвтрүүлж “Нээлттэй хаалганы өдөр” зохион байгуулсан бөгөөд уг арга хэмжээнд Эд хөрөнгийн эрхийн улсын бүртгэгч Б. Цэнд-Аюуш оролцон эд хөрөнгийн эрхийн улсын бүртгэлийн үйлчилгээг газар дээр нь үзүүлсэн бөгөөд Эрдэнэбулган суманд газраас бусад үл хөдлөх эд хөрөнгийн анхны бүртгэлийн үйлчилгээг-5 иргэнд үзүүлж, үл хөдлөх эд хөрөнгийн өмчлөх эрхийн гэрчилгээг газар дээр нь олгосон байна. Тариалан суманд барьцааны гэрээ дуусгавар болгох-5 бүртгэл, лавлагаа-4, худалдах худалдан авах гэрээ-2, хаяг өөрчлөх-13 бүртгэлийг тус тус газар дээр нь хүлээн авч бүртгэл хөтөлсөн. Их-Уул суманд газраас бусад үл хөдлөх эд хөрөнгийн анхны бүртгэлийн-1, бэлэглэлийн гэрээ-2, газрын хэмжээ өөрчлөх-2 бүртгэлийг тус тус хүлээн авч бүртгэл хөтөлсөн байна. Мөн хуулийн этгээдийн улсын бүртгэлийн талаарх мэдээлэл зөвлөгөөг нийт 32 иргэнд өгч ажилласан байна.

2024 оны 4 дүгээр сарын 08-ны өдөр Аймгийн засаг дарга П. Лхагважавын санаачлагаар зохион байгуулсан төрийн байгууллагуудын “Иргэдэдээ сонсьё - 2024” нээлттэй хаалганы өдөрлөгт эд хөрөнгийн эрхийн улсын бүртгэгч З. Бямбасүрэн, хуулийн этгээдийн улсын бүртгэгч П. Даваадулам нар оролцож эд хөрөнгийн эрхийн улсын бүртгэлийн чиглэлээр 39 иргэнд, хуулийн этгээдийн улсын бүртгэлийн чиглэлээр 26 иргэнд зөвлөгөө мэдээлэл өгч, 3 хуулийн этгээдийн нэр баталгаажуулсан байна.

2024 оны 4 дүгээр сарын 10, 11-ний өдрүүдэд Цагааннуур суманд зохион байгуулсан “Цаатны урцанд-Цахимт паспорт” нээлттэй өдөрлөгт эд хөрөнгийн эрхийн улсын бүртгэгч З. Бямбасүрэн оролцож эд хөрөнгийн эрхийн улсын бүртгэлийн чиглэлээр 21 иргэнд мэдээлэл зөвлөгөө өгч, 1 иргэнд газар өмчлөх эрхийн гэрчилгээ олгон ажилласан.

2024 оны 5 дугаар сарын 01-ний өдөр “Хуульчийн Про-Боно” өдөрлөгт Улсын бүртгэгч Б. Цэнд-Аюуш оролцож эд хөрөнгийн эрхийн улсын бүртгэл, хуулийн этгээдийн улсын бүртгэлийн талаар иргэдэд зөвлөгөө мэдээлэл өгсөн.

2023 оны 5 дугаар сарын 03-ны өдөр Хуулийн этгээд, эд хөрөнгийн эрхийн улсын бүртгэлийн тасгийн дарга, улсын ахлах бүртгэгч Д. Чимэдцогзол, хуулийн этгээдийн улсын бүртгэгч П. Даваадулам нар “Хоршоог улсын бүртгэлд бүртгүүлэхэд анхаарах асуудал” сэдвээр 23 сумын улсын бүртгэгч нарт цахим сургалтыг зохион байгууллаа.

2024 оны 5 дугаар сарын 09-ний өдөр ХЗДХЯ-ны харъяа агентлаг, байгууллагуудын дунд зохион байгуулсан “Нээлттэй хаалга”-ны өдөрт эд хөрөнгийн эрхийн улсын бүртгэгч Б. Цэнд-Аюуш оролцож эд хөрөнгийн эрхийн улсын бүртгэлийн чиглэлээр 29 иргэнд, хуулийн этгээдийн улсын бүртгэлийн чиглэлээр 24 иргэнд зөвлөгөө мэдээлэл өгч, 1 хуулийн этгээдийн нэр баталгаажуулсан байна.

2024 оны 5 дугаар сарын 10-ны өдөр тус тасгийн Хуулийн этгээдийн улсын бүртгэгч П. Даваадулам Бүрэнтогтох суманд ажиллаж хуулийн этгээдийн улсын бүртгэлийн үйлчилгээг сумын иргэдэд газар дээр нь үзүүлсэн бөгөөд 19 иргэнд зөвлөгөө мэдээлэл өгч 2 хуулийн этгээдэд хуулийн этгээдийн дэлгэрэнгүй лавлагаа олгосон байна.

2024 оны 5 дугаар сарын 16-ны өдөр “Шинэ хоршоо хөдөлгөөн”-ий хүрээнд Алаг-Эрдэнэ суманд хэлтсийн даргаар ахлуулсан баг ажиллаж, сумын иргэдэд хоршоог улсын бүртгэлд бүртгүүлэх тухай мэдээллийг хэлтсийн дарга Б. Мөнгөнзул өгч, хоршооны бүртгэлийг улсын бүртгэгч Б. Цэнд-Аюуш газар дээр нь бүртгэж ажилласан.

2024 оны 5 дугаар сарын 17, 18-ний өдрүүдэд Хөвсгөл аймгийн Мөрөн суманд зохион байгуулагдсан “Шинэ хоршоо-Чинээлэг малчин” зөвлөгөөнд оролцож буй 23 сум, 1 тосгоны 1000 малчинд хэлтсийн дарга Б. Мөнгөнзул хоршоог улсын бүртгэлд хэрхэн бүртгүүлэх, хоршооны мэдээлэлд хэрхэн өөрчлөлт оруулах талаар мэдээлэл өгч, улсын бүртгэгч Б. Цэнд-Аюуш, П. Даваадулам нар хоршооны бүртгэлийн үйлчилгээг газар дээр нь үзүүлж, хоршооны нэр баталгаажуулах ажлыг хийж гүйцэтгэлээ.

2024 оны 5 дугаар сарын 20-ны өдөр “Шинэ хоршоо хөдөлгөөн”-тэй холбогдуулан Мөрөн сумын малчдын зөвлөгөөнд хуулийн этгээдийн улсын бүртгэгч П. Даваадулам оролцож, “Хоршоог улсын бүртгэлд хэрхэн бүртгүүлэх”, “Хоршооны мэдээлэлд өөрчлөлт оруулах” зэрэг сэдвүүдээр мэдээлэл өгч малчдын сонирхсон асуултанд хариуллаа.

Иргэдэд төрийн үйлчилгээг түргэн шуурхай чирэгдэлгүй хүргэх, иргэдийг мэдээ мэдээллээр хангах, иргэн бүрт хүрч үйлчлэх зорилгоор үйлчилгээний зааланд байрлах эд хөрөнгийн эрхийн улсын бүртгэл, хуулийн этгээдийн улсын бүртгэлийн “Хөтөч” хавтсыг тус бүр шинэчлэн, иргэдэд илүү хялбар байдлаар хэвлэн байршууллаа.

Тайлант хугацаанд хуулийн этгээд, эд хөрөнгийн эрхийн улсын бүртгэлийн тасгийн хамт олон дараах мэдээлэл, сургалтанд хамрагдсан байна.

Хэлтсийн 2024оны сургалтын төлөвлөгөөнд тусгагдсан сургалтуудад тухай бүр тасралтгүй хамрагдаж байна.

Мөн УБЕГ-ын ЭХЭУБГ, ХЭУБГазар болон бусад газар хэлтсүүдээс зохион байгуулсан онлайн сургалтанд тасгийн хамт олноороо цаг тухай бүр хамрагдлаа.

2024 оны 4 дүгээр сарын 09-ний өдөр УБЕГ-ын ЭХЭУБГазраас Банк болон ББСБ, банкуудын холбоотой хамтран зохион байгуулсан "Эд хөрөнгийн эрхийн улсын бүртгэлийн тухай хуулийн өөрчлөлт хэлэлцүүлэг"-т улсын ахлах бүртгэгч Д. Чимэдцогзол оролцсон.

2024 оны 4 дүгээр сарын 26-ны өдөр ХЭУБГазраас тасгийн дарга нарт зориулан зохион байгуулсан "Хуулийн этгээдийн улсын бүртгэлийг хөтлөхөд анхаарах асуудал" сэдэвт онлайн сургалтанд улсын ахлах бүртгэгч Д. Чимэдцогзол хамрагдсан.

2024 оны 5 дугаар сарын 01, 06-ны өдрүүдэд ХЭУБГазраас зохион байгуулсан "Хоршооны улсын бүртгэл хөтлөх талаар мэдээлэл өгөх" сургалтанд улсын ахлах бүртгэгч Д. Чимэдцогзол, улсын бүртгэгч П. Даваадулам, улсын бүртгэгч Б. Цэнд-Аюуш болон сумдын улсын бүртгэгч нар тус тус хамрагдсан.

Мөн 7 хоног бүрийн Пүрэв гарагт Төрийн албаны зөвлөлөөс зохион байгуулагддаг 7.4.10 онлайн сургалтанд тухай бүр тасралтгүй хамрагдаж байгаа бөгөөд нийт 12 удаагийн сургалтанд хамрагдсан байна.

ЗУРГАА. ТЭМДЭГТИЙН ХУРААМЖ, ҮЙЛЧИЛГЭЭНИЙ ТӨЛБӨРИЙН ТАЛААР:

Тайлант хугацаанд эд хөрөнгийн эрхийн улсын бүртгэлийн 5439 хувийн хэрэгт үйлчилгээ орсон бөгөөд тус үйлчилгээгээр 54 455 462 / тавин дөрвөн сая дөрвөн зуун тавин таван мянга, дөрвөн зуун жаран хоёр/ төгрөгийн мөнгөн орлогыг төвлөрүүлсэн ба үл хөдлөх эд хөрөнгө өмчлөх эрхээ худалдан борлуулсны 2 хувь 189 914 792 / нэг зуун наян есөн сая, есөн зуун арван дөрвөн мянга, долоон зуун ерэн хоёр / төгрөгийг, үл хөдлөх эд хөрөнгө анх удаа бүртгүүлсний тэмдэгтийн хураамжинд 5 326 300 /таван сая гурван зуун хорин зургаан мянга гурван зуун / төгрөгийг тус тус татварын орлогод төвлөрүүлсэн байна.

Хуулийн этгээдийн улсын бүртгэлийн чиглэлээр тамга, тэмдгийн хяналтын дугаар болон нэрийн баталгаажуулалт, дахин гэрчилгээ, лавлагаа, хуулбарын үйлчилгээний хураамж 9 633 000 /есөн сая зургаан зуун гучин гурван мянган/ төгрөгийн мөнгөн орлогыг үйлчилгээний орлогод төвлөрүүлсэн ба тэмдэгтийн хураамжийн 14 070 000 /арван дөрвөн сая, далан мянган/ төгрөгийг татварын орлогод төвлөрүүлсэн байна.

Тус хэлтэс нь "Гэрэгэ" пос машин, "Киоск" машинаар тус тус үйлчилгээний хураамжийг авч иргэдэд төрийн үйлчилгээг чирэгдэлгүй хүргэж байна.

5. ХЯНАЛТ ШАЛГАЛТЫН ҮЙЛ АЖИЛЛАГАА

Хөвсгөл аймгийн улсын бүртгэлийн хэлтсийн хяналтын улсын байцаагч нь улсын бүртгэлийн алдаа, зөрчил гаргахаас урьдчилан сэргийлэх, улсын бүртгэлийн байгууллагын ажилтны үйл ажиллагаанд дэмжлэг үзүүлэх зорилгоор улсын бүртгэлийн хууль тогтоомжийн биелэлтэнд хяналт тавин ажиллахаас гадна алдаа зөрчлийг илрүүлэх, түүнийг таслан зогсоох, арилгуулах, улсын бүртгэлийн байгууллагын ажилтаны зөрчигдсөн эрх, ажил хэргийн нэр хүндийг сэргээх, улсын бүртгэлийн хууль тогтоомжийн биелэлтийг хангуулах зорилгоор улсын бүртгэлийн үйл ажиллагаанд хяналт шалгалт хийн ажиллаж байна.

Нэг. Бодлого зорилтыг хангах чиглэлээр:

Улсын бүртгэлийн ерөнхий хууль, Иргэний улсын бүртгэлийн тухай хууль, Хуулийн этгээдийн улсын бүртгэлийн тухай хууль, Эд хөрөнгийн эрхийн улсын бүртгэлийн тухай хууль, Зөрчлийн тухай хууль, Зөрчил шалган шийдвэрлэх тухай хууль, Захиргааны ерөнхий хууль болон бусад хууль, эдгээртэй нийцүүлэн гаргасан захиргааны хэм хэмжээний актад заасны дагуу улсын бүртгэлийн үйл ажиллагаанд хяналт тавьж, шалгалт хийж ажиллаж байна.

Улсын бүртгэлийн алдаа, зөрчлийг илрүүлэх, түүнийг таслан зогсоох, арилгуулах, түүнээс урьдчилан сэргийлэх, улсын бүртгэлийн хууль тогтоомжийн биелэлтийг хангуулах зорилгоор улсын бүртгэлийн асуудал эрхэлсэн төрийн захиргааны байгууллагын хяналт шалгалтын асуудал хариуцсан нэгжийн хяналтын оператор өөрийн чиг үүрэгт хамаарах улсын бүртгэлийн мэдээллийн сан, архивын эх нотлох баримт бичигт тулгалт хийх замаар алдаа, зөрчлийг илрүүлж ажиллаж байна.

Улсын бүртгэлийн үйл ажиллагаанд хяналт шалгалт хийхэд улсын алхах бүртгэгч, улсын бүртгэгч, улсын бүртгэлийн байгууллагын бусад ажилтан холбогдох эх нотлох баримт бичиг, жагсаалтыг гаргаж өгөх, хяналт шалгалтын үйл ажиллагаанд ач холбогдол бүхий программ хангамж, техник, технологийн асуудлыг шийдвэрлэх, шаардлагатай тохиолдолд тухайн бүртгэлийн талаар нэмэлт мэдээлэл, тайлбар өгөх зэргээр хамтран ажиллалаа.

Ажлын байрны тодорхойлолтод заасан чиг үүрэгт хамаарах улсын бүртгэлийн мэдээллийн сан, архивын эх нотлох баримт бичигт тулгалт хийж, илрүүлсэн алдаа, зөрчлийн талаарх мэдээг сар бүр гарган, хяналт шалгалтын асуудал хариуцсан нэгжид хүргүүлж байна.

2024 оны хяналт шалгалтын ажлын төлөвлөгөө болон ажлын байрны тодорхойлолтонд заагдсан Улсын бүртгэл, түүнтэй холбоотой бусад үйл ажиллагаанд зөрчил гарахаас урьдчилан сэргийлэх, зөрчлийг илрүүлэх, таслан зогсоох, илэрсэн зөрчлийг арилгуулах, улсын бүртгэлийн ажилтны үйл ажиллагаанд дэмжлэг үзүүлэх, улсын бүртгэлийн хууль тогтоомжийн биелэлтэнд хяналт тавих чиг үүргийн дагуу 3940 бүртгэлд хяналт тавьж ажиллалаа. Үүнээс:

Иргэний улсын бүртгэлийн чиглэлээр-2050, Эд хөрөнгийн эрхийн улсын бүртгэлийн чиглэлээр-606, Хуулийн этгээдийн улсын бүртгэлийн чиглэлээр-138, Улсын бүртгэлийн архивын чиглэлээр-1146 тус тус шалгаж ажиллалаа.

Тайлант хугацаанд иргэдээс өргөдөл, санал, гомдлын мөрөөр хийсэн шалгалтаар: Иргэний улсын бүртгэлийн чиглэлээр-23, Эд хөрөнгийн улсын бүртгэлийн чиглэлээр-21, Хуулийн этгээдийн улсын бүртгэлийн чиглэлээр-6, Улсын бүртгэлийн архивын чиглэлээр-0 тус тус зөрчил илэрсэн байна.


Хяналтын улсын байцаагчийн 50 дүгнэлт гарсан бөгөөд үүнээс Иргэний улсын бүртгэлийн чиглэлээр-23, Хуулийн этгээдийн чиглэлээр-6, Эд хөрөнгийн улсын бүртгэлийн чиглэлээр-21 дүгнэлт гарган ажилласан байна.

Зөрчлийн хуулиар 115 иргэн, хуулийн этгээдэд торгууль оногдуулсан бөгөөд Төрийн сангийн торгууль, хүү төвлөрүүлэх дансанд 2360000 төгрөгийн орлого төвлөрүүлсэн байна.

Улсын бүртгэлийн ерөнхий газрын даргын 2024 оны 1/655 дугаар үүрэг чиглэлийн дагуу мөн Улсын бүртгэлийн хууль тогтоомжийн биелэлтэд хяналт тавих, Улсын бүртгэлийн үйл ажиллагаанд хяналт шалгалт хийх журмын хэрэгжилтийг хангаж ажиллах талаар хяналтын улсын байцаагчийн эрх бүхий албан тушаалтнууд иргэний, хуулийн этгээдийн, эд хөрөнгийн эрхийн улсын бүртгэлд хөтлөх үйл ажиллагаанд холбогдуулан хяналтын улсын байцаагч нар өөрийн харъяалах нэгжид бүртгэгдсэн 2024 оны 01 дугаар сарын 01-ноос 2024 оны 05 дугаар сарын 20-ны өдрийг хүртэлх бүртгэлийг шалгаж ажиллалаа.

Энэхүү шалгалтыг Улсын бүртгэлийн ерөнхий хуулийн 18 дугаар зүйлд заасан хяналтын үйл ажиллагаа болон Улсын бүртгэлийн ерөнхий газрын даргын үүрэг, чиглэлд заасан ажлыг хэрэгжүүлэх, улсын бүртгэлийг цахим хэлбэрээр хянаж, бүртгэл үнэн зөв байх зарчимд нийцүүлж ажиллалаа.

Хууль, журам, албан тушаалын тодорхойлолтод заасан улсын бүртгэлийн хууль тогтоомжийг биелүүлэх, зөрчлөөс урьдчилан сэргийлэх, бүртгэлийн зөрчлийг гаргахгүй байх талаар нийт бүртгэгч нарт болон албан хаагчдад үүрэг даалгавар өгч ажиллалаа



Хоёр. Иргэний улсын бүртгэлийн чиглэлээр

2024 оны Монгол Улсын Их Хурлын сонгуулийн тухай хуулийн дагуу ажлын төлөвлөгөөний дагуу сонгуулийн хэсэгбайгуулсан сумдын Иргэдийн Төлөөлөгчдийн Хурлын тогтоолыг хүлээн авчмэдээллийг үнэн зөв шивж, баталгаажуулж, цахимжуулсан эсэхийг нягтлан шалгаж засварлах арга хэмжээ авахад хяналт тавьж ажиллалаа.

Мөн Сум дүүргийн иргэдийн Төлөөлөгчдийн Хурлын сонгуулийн хэсэг байгуулсан тухай мэдээллийг Иргэний улсын бүртгэлийн цахим мэдээллийн сан дахь тухайн хэсгийн нутаг дэвсгэрт байнга оршин суугаа газрын хаягийн бүртгэл бүхий сонгогчийн бүртгэлтэй тулган шалгаж, сонгогчийн бүртгэлд бүртгэгдээгүй, сонгуулийн хэсэг оноогдоогүй болон иргэний улсын бүртгэлийн зөрчилтэй иргэний зөрчлийг арилгах, зөрүүтэй оноогдсон сонгогчдын мэдээллийг засварлаж хэсэг оноох ажилд хяналт тавин ажиллалаа.

Улсын бүртгэлийн ерөнхий газрын иргэний улсын бүртгэлийн газраас ирүүлсэн иргэний улсын бүртгэлийн санд төрсөн , он, сар, өдөр, эцэг /эх/-ийн нэр, өөрийн нэр ижил өөрийн харъяалагдах нэгжид хамаарах 230 иргэний мэдээллийг шалгаж дараах ажлыг хийж гүйцэтгэж ажиллалаа.

Үүрэг чиглэлд заасан хугацаанд өөрийн харъяалах нэгжид бүртгэгдсэн бүртгэлийн жагсаалтыг Иргэний улсын бүртгэлийн тасгийн дарга бөгөөд улсын алхах бүртгэгчтэй хамтран иргэний улсын бүртгэлийн мэдээллийн санд шалгаж, Иргэний улсын бүртгэлийг цахимжуулсан материалыг харах, ашиглах, засварлах программ хангамжаас бүрэн цахимжсан биеийн давхцахгүй өгөгдлийн бүртгэл бүртгэгдсэн эсэх нэг иргэн хоёр регистрийн дугаартай эсэхийг нотлох баримттай тулган шалгалаа.

Иргэний улсын бүртгэлийн мэдээллийн санд хавсралтад дурдсан нэр бүхий 230 иргэнийг регистрийн дугаараар шалгахад иргэний улсын бүртгэлийн мэдээллийн санд бүртгэлд бүртгэлтэй боловч төрсөн , он, сар, өдөр, эцэг /эх/-ийн нэр, өөрийн нэр ижил, 2 регистрийн дугаараар бүртгэсэн төлөвтэй байна.Иймд иргэний улсын бүртгэлийн мэдээллийн санд зөрчлийг арилгах зорилгоор өөрийн харъяалагдах нэгжид хамаарах хавсралтад дурдсан нэр бүхий 230 иргэний тодорхойгүй бүртгэсэн төлөвтэйг хяналтынулсынбайцаагчийндүгнэлт гаргаж бүртгэлийг хүчингүй болгуулахааражиллаж байна.

Иргэний улсын бүртгэлийн чиглэлээр иргэдээс ирсэн өргөдөл, гомдол болон иргэний улсын бүртгэгчээс ирүүлсэн хүсэлтийн дагуу 23 дүгнэлт гаргаж Иргэний улсын бүртгэлийн газарт хүргүүлж зөрчил арилгуулсан байна.

Дүгнэлтийн төрлөөр авч үзвэл:

- Нэмэлт өөрчлөлтөөр-1
- Регистрийн дугаар өөрчилж, дахин, шинээр олгох-10
- Бүртгэл хүчингүй болгох-6
- Бүртгэл сэргээх-1
- Регистрийн дугаар хүчингүй болгох-5

Монгол Улсын Их Хурлын тухай хуулийн 25 дугаар зүйлийн 25.1 дахь хэсэгт заасны дагуу шилжилт хөдөлгөөний бүртгэлийг санал авах өдрөөс 60 хоногийн өмнө Улсын бүртгэлийн ерөнхий газрын даргын 2024 оны 04 дүгээр сарын 25-ны өдрийн “Иргэний шилжилт хөдөлгөөнийг түр зогсоох тухай” А/61 дүгээр тушаал гарсантай холбогдуулан Хяналт шалгалтын газраас ирүүлсэн чиглэлээр дараах ажлуудыг хийж гүйцэтгэлээ. Тус хэлтсийн хяналтын улсын байцаагч нь 2024 оны 04 дүгээр сарын 16-ны өдрөөс 2024 оны 04 дүгээр сарын 26-ны өдрийг хүртэлх хугацаанд бүртгэсэн шилжилт хөдөлгөөний бүртгэлийг ИУБ-22 маягт, бүртгэлийн дэвтэртэй нэг бүрчлэн тулгаж иргэний улсын бүртгэлийн мэдээллийн санд шалгаж, Иргэний улсын бүртгэлийг цахимжуулсан материалыг харах, ашиглах, засварлах программ хангамжаас бүрэн цахимжсан эсэхийг шалгалаа. Мөн Төрийн үйлчилгээний нэгдсэн систем /E-mongolia.mn/-ээр 2024 оны 01 дүгээр сарын 02-ны өдрөөс 2024 оны 04 дүгээр сарын 28-ны өдрийг хүртэлх хугацаанд хүсэлт илгээсэн 81 иргэний хүсэлтийг шалгаж, 23 иргэний шилжилт хөдөлгөөний бүртгэлийг баталгаажуулж, 58 иргэний шилжилт хөдөлгөөний бүртгэлийг татгалзаж тухайн иргэдэд утсаар мэдэгдэж сумын улсын бүртгэгч бүртгэлийн дэвтэрт тэмдэглэл хөтлөж ажиллалаа.

Үүрэг чиглэлд заасан хугацаанд 2024 оны 04 дүгээр сарын 26-ны 18 цаг 00 минутад өөрийн харъяалах нэгжийн шилжилт хөдөлгөөний бүртгэлийг хааж, хаасан тухай бүртгэлийн дэвтэрт сумдын улсын бүртгэгч нараар тэмдэглэл үйлдүүлэн Иргэний улсын бүртгэлийн тасгийн улсын алхах бүртгэгч, бүртгэгч нарын хамт сумдын улсын бүртгэгч нараас бүртгэлийн дэвтэр, бүрдүүлбэр, үлдэгдэл үнэт цаасыг 2024 оны 04 дүгээр сарын 26-29-ны хооронд татан авах арга хэмжээ зохион байгуулж ИУБ-22 маягтын үлдэгдэлийг жагсаалт гарган акт үйлдэж лацдан иргэний баримтын архивт хадгаллаа.

Тус хугацаанд Иргэний улсын бүртгэлийн мэдээллийн санд шилжилт хөдөлгөөний бүртгэлийн чиглэлээр нийт 1142 бүртгэл хийж баталгаажиж цахимжсан байна.



Гурав. Эд хөрөнгийн эрхийн улсын бүртгэлийн чиглэлээр:

Улсын бүртгэлийн үйл ажиллагаанд хяналт шалгалт хийх журмын дагуу байцаагчийн хяналт шалгалтын ажлын төлөвлөгөөнд тусгагдсан болон өдөр тутмын түүвэрчилсэн хяналтаар эд хөрөнгийн эрхийн бүртгэлийн үйл ажиллагаанд хяналтыг тавьж ажиллалаа.

Эд хөрөнгийн эрхийн улсын бүртгэлийн чиглэлээр өдөр тутмын болон түүвэрчилсэн, төлөвлөгөөт, улсын ахлах бүртгэгчээс ирүүлсэн өргөдөл зэрэг 606 бүртгэлд хяналт шалгалт тавьж ажиллалаа.


Хяналтын улсын байцаагчийн нийт 21 дүгнэлт гаргасан бөгөөд үүнээс:

- Эрхийн улсын бүртгэлийн гэрчилгээг хүчингүй болгох-15
- Бүртгэлд өөрчлөлт оруулах тухай -6

Эд хөрөнгийн эрхийн улсын бүртгэлийн архивын үйл ажиллагааг холбогдох хууль тогтоомжийн хүрээнд эрхлэн хөтөлж байгаа эсэх, түүний хадгалалт хамгаалалт, найдвартай байдлыг ханган ажиллаж байгаа эсэхэд байнгын хяналт тавин ажиллаж байна.

Тайлант хугацаанд Эд хөрөнгийн эрхийн улсын бүртгэлийн чиглэлээр 606бүртгэлийг мэдээллийн санд эх нотлох баримт үнэн зөв эсэх, бичиг баримт бүрэн цахимжсаныг тулгаж шалгасан байна.

Эд хөрөнгийн эрхийн улсын бүртгэлийн чиглэлээр хяналт шалгалт хийсэн тоон үзүүлэлтийг сүүлийн 3 жилээр харьцуулбал:



Дөрөв. Хуулийн этгээдийн улсын бүртгэлийн чиглэлээр:


Улсын бүртгэлийн үйл ажиллагаанд хяналт шалгалт хийх журмын дагуу байцаагчийн хяналт шалгалтын ажлын төлөвлөгөөнд тусгагдсан болон өдөр тутмын түүвэрчилсэн хяналтаар 138бүртгэлийг мэдээллийн санд эх нотлох баримт бичиг бүрэн үнэн зөв цахимжсаныг тулгаж шалгасан байна.

Хяналтын улсын байцаагчийн нийт 6 дүгнэлт гарсан бөгөөд үүнээс:

- Тамга, тэмдгийн хяналтын дугаарыг хүчингүй болгох-6

Хуулийн этгээдийн архивын үйл ажиллагааг холбогдох хууль тогтоомжийн хүрээнд эрхлэн хөтөлж байгаа эсэх, түүний хадгалалт хамгаалалт, найдвартай байдлыг ханган ажиллаж байгаа эсэхэд байнгын хяналт тавин ажиллаж байна.

Хуулийн этгээдийн бүртгэлийн чиглэлээр хяналт шалгалт хийсэн тоон үзүүлэлтийг сүүлийн 3 жилээр харьцуулбал:



Тав. Архивын чиглэлээр:


Ажлын байрны тодорхойлолтод заасан чиг үүрэгт хамаарах улсын бүртгэлийн мэдээллийн сан, архивын баримтын хадгалалт хамгаалалт, аюулгүй байдалд байнгын хяналт тавин ажиллаж байна.

Улсын бүртгэлийн архивын чиглэлээр 1146 бүртгэлд хяналт тавьж ажиллалаа.

2024 оны архивын үйл ажиллагааны төлөвлөгөө эхний хагас жилд хийгдэх ажлуудын хүрээнд иргэний баримтын архивын тодорхойгүй төлөвт байгаа 1995-2005 оны ХААТР-11 маягтуудыг татан авч иргэний улсын бүртгэлийн мэдээллийн санд шалгаж бусад аймаг, нийслэлд шилжсэн, биеийн давхцахгүй өгөгдлийн бүртгэлд хамрагдсан, нас барсан эсэхийг шалгаж хүлээлгэж өглөө.

Улсын бүртгэлийн ерөнхий газрын дарга, Архивын ерөнхий газрын даргын хамтарсан 2020 оны 11 дүгээр сарын 02-ны өдрийн А/1437, А/110 дугаар тушаалын хавсралт, Улсын бүртгэлийн нэгдсэн архивын даргын 2020 оны 11 дүгээр сарын 04-ны өдрийн 11/9747 дугаартай чиглэл, зөвлөмж, УБН архивын даргын 2023 оны 01 дүгээр сарын 18-ны өдрийн 10/601 дугаар чиглэл зэргийг үндэслэн тус хэлтсийн байгууллагын ББНШАЗК-ын 2022 онд хөтлөх хэргийн нэрийн жагсаалтыг боловсруулж, батлуулах, хөтлөгдөж дууссан баримт бичгийг устгах ажлыг зохион байгуулах ажлын хүрээнд иргэн, хуулийн этгээд, эд хөрөнгийн архивт хадгалагдаж байсан хадгалах хугацаа нь дууссан ИУБ-21 маягт, ИУБ-22 маягт, лавлагаа олгосон бүртгэлийн дэвтэр, Эд хөрөнгийн эрхийн улсын бүртгэлийн болон хуулийн этгээдийн улсын бүртгэлийн архивын хадгалах хугацаа нь дууссан баримтуудын судалгаа гаргаж ББНШК-ын хурлаар хэлэлцүүлэн устгах саналыг УБЕГ хүргүүлээд байна.

Улсын бүртгэлийн архивын чиглэлээр хяналт шалгалт хийсэн тоон үзүүлэлтийг сүүлийн 3 жилээр харьцуулбал:



Зургаа. Дотоод хяналт шалгалт болон бусад хийж хэрэгжүүлсэн ажлын хүрээнд:

Тус хэлтсийн даргын 2022 оны 09 дүгээр сарын 21-ний өдрийн А/12 дугаар тушаалаар дотоод хяналт шалгалтын ажлын хэсэг нь төлөвлөгөөний дагуу хэлтсийн албан хаагчдыг аливаа эрсдэлээс урьдчилан сэргийлэх зорилгоор дараах хяналт шалгалтуудыг хийж гүйцэтгэлээ.

Иргэний улсын бүртгэл, эд хөрөнгийн эрхийн улсын бүртгэл, хуулийн этгээдийн улсын бүртгэлийн 2024 оны эхний хагас жилд бүртгэсэн бүртгэлүүдийг үнэн зөв, хууль тогтоомжид нийцсэн эсэхийг түүвэрчилсэн байдлаар шалгалаа.

Улсын бүртгэгч нарт “Улсын бүртгэлийн цахим мэдээллийн санд мэдээлэл хүлээн авах, хадгалах, түүний аюулгүй байдлыг хангах журам”-ын 3.6-д заасны дагуу компьютерийн үйлдлийн системийн нууц үгийг сард нэг удаа, цахим мэдээллийн санд нэвтрэх нууц үгийг улиралд нэг удаа сольж байх, цахим мэдээллийн санд нэвтрэх эрхээ бусдад дамжуулахгүй байхыг анхааруулж, тус журмын хэрэгжилтийг хангаж, хяналт тавьж, албан хаагчдын ажлын цаг ашиглалтанд өдөр бүр хяналт тавин ажиллаж байна.

Долоо. Захиргааны хэргийн шүүхэд маргаантай байгаа асуудлаар:

Иргэн Л.Мялдорж болон нэр бүхий 17 иргэний нэхэмжлэлтэй Хөвсгөл аймгийн Улсын бүртгэлийн хэлтсийн 2021 оны 12 дугаар сарын 21-ний өдрийн 7480 дугаартай дүгнэлт нь “Хөвсгөл гурил тэжээл” ХХК-ийн хувьцаа эзэмшигч бидний хууль ёсны эрх, ашиг сонирхлыг зөрчсөн тул хүчингүй болгож, Хөвсгөл гурил тэжээл ХХК-д миний болон миний төлөөлж байгаа хувьцаа эзэмшигчдийн хувьцааг бүртгэхийг даалгасан шийдвэрийг гаргуулах тухай нэхэмжлэлд:

Мөн Л.Ганбатын “Хөвсгөл гурил тэжээл” ХХК-ний гүйцэтгэх удирдлагын мэдээлэлд 2009 онд орсон өөрчлөлтийг бүртгэхээс татгалзсан Хөвсгөл аймгийн Улсын бүртгэлийн хэлтэс, Улсын бүртгэлийн ерөнхий газрын эс үйлдэхүй нь хууль бус болохыг тогтоож, Хөвсгөл гурил тэжээл ХХК-ийн гүйцэтгэх удирдлагын 2009 оны өөрчлөлтийг хуулийн этгээдийн улсын бүртгэлд бүртгэхийг Хөвсгөл аймгийнх Улсын бүртгэлийн хэлтэст даалгах тухай” нэхэмжлэлд, нэхэмжлэлийн шаардлага ихэсгэж “Хөвсгөл гурил тэжээл” ХХК-ийн хувьцаа эзэмшигч болон гүйцэтгэх удирдлагын өөрчлөлтийг бүртгэсэн улсын бүртгэгч Н.Азжаргалын 2023 оны 03 дугаар сарын 25-ны бүртгэлийг хүчингүй болгох” нэхэмжлэлтэй, захиргааны хэргийг хянан шийдвэрлэх анхан, давж заалдах, хяналтын шатны шүүхийн ажиллагаанд хариуцагчийн итгэмжлэгдсэн төлөөлөгчөөр нэхэмжлэлийн хувийг гардан авах, Захиргааны хэрэг хянан шийдвэрлэх тухай хуулийн 21 дүгээр зүйлийн 21.1.2, 21.2 дахь хэсэгт заасан хариуцагчийн эрхийг эдэлж, үүрэг хүлээх, мөн хуулийн 27 дугаар зүйлийн 27.2 дахь хэсэг, 28 дугаар зүйлийн 28.1, 28.2.1, 28.2.6, 28.2.8 дахь заалтад заасан төлөөлөгчийн бүрэн эрхийг хэрэгжүүлэн шүүх хуралд тус тус оролцож байна.

Найм. Хэлтсийн 2024 оны гүйцэтгэлийн төлөвлөгөөнд тусгасан ажлын хүрээнд:

-Иргэн, хуулийн этгээдээс ирүүлсэн өргөдөл, гомдлыг шуурхай хянан шийдвэрлэх, түүнд хяналт тавих ажлыг сайжруулах ажлын хүрээнд эхний хагас жилд нийт 50 өргөдөл, хүсэлт иргэн, хуулийн этгээд, улсын бүртгэгч нараас ирсэнийг хяналтын улсын байцаагчийн дүгнэлт гаргаж холбогдох тасаг болон иргэнд хүргүүлэн шийдвэрлэлээ.

- Эцсийн өмчлөгчийн мэдээллийн үнэн зөв, найдвартай байдлыг хангах зорилгоор хяналт шалгалтыг эрчимжүүлэх, зөрчил илэрсэн тохиолдолд хариуцлагын арга хэмжээ авах ажлын хүрээнд хуулийн этгээдийн улсын бүртгэлийн шинээр үүсгэн байгуулагдсан 267 аж ахуй нэгжүүд эцсийн өмчлөгчөө бүртгүүлсэн байна.

-Улсын бүртгэлийн хууль тогтоомжийн биелэлтэд хяналт тавих замаар улсын бүртгэлийн үнэн зөв байх зарчмыг хангах ажлын хүрээнд Улсын бүртгэлийн ерөнхий газрын даргын 2024 оны 1/655 дугаар үүрэг чиглэлийн дагуу мөн Улсын бүртгэлийн хууль тогтоомжийн биелэлтэд хяналт тавих, Улсын бүртгэлийн үйл ажиллагаанд хяналт шалгалт хийх журмын хэрэгжилтийг хангаж ажиллах талаар хяналтын улсын байцаагчийн эрх бүхий албан тушаалтнууд 3940 иргэний, хуулийн этгээдийн, эд хөрөнгийн эрхийн улсын бүртгэлд хөтлөх үйл ажиллагаанд холбогдуулан хяналтын улсын байцаагч нар өөрийн харъяалах нэгжид бүртгэгдсэн бүртгэлийг шалгаж ажиллалаа. Энэхүү шалгалтыг Улсын бүртгэлийн ерөнхий хуулийн 18 дугаар зүйлд заасан хяналтын үйл ажиллагаа болон Улсын бүртгэлийн ерөнхий газрын даргын үүрэг, чиглэлд заасан ажлыг хэрэгжүүлэх, улсын бүртгэлийг цахим хэлбэрээр хянаж, бүртгэл үнэн зөв байх зарчимд нийцүүлж ажиллалаа.

-Хууль, журам, албан тушаалын тодорхойлолтод заасан улсын бүртгэлийн хууль тогтоомжийг биелүүлэх, зөрчлөөс урьдчилан сэргийлэх, бүртгэлийн зөрчлийг гаргахгүй байх талаарх нийт бүртгэгч нарт болон албан хаагчдад үүрэг даалгавар өглөө.

-Архивын эх нотлох баримт цахимжуулах, лавлагаа олгох үйл ажиллагаанд хяналт тавих ажлын хүрээнд нийт 1146 архивын эх нотлох баримтыг Иргэний улсын бүртгэлийг цахимжуулсан материалыг харах, ашиглах, засварлах программ хангамжаас бүрэн цахимжсан эсэх, Эд хөрөнгийн эрхийн улсын бүртгэлийг EPRS-2 программаас мета дата буюу бүртгэлийн төрлөөр цахимжсан эсэх, Хуулийн этгээдийн эрхийн улсын бүртгэлийг ERS программаас үйлчилгээний нэршил зөв орсон эсэхийг тус тус нотлох баримттайтулган шалгасан байна.

6. САНХҮҮГИЙН ҮЙЛ АЖИЛЛАГАА

Тус хэлтэс нь 2024 онд батлагдсан 1 402 182 500.00 төгрөгийн төсвөөс 5 сарын байдлаар 623 836 300.00 төгрөгийн санхүүжилтээр үйл ажиллагаа явуулж, үндсэн үйл ажиллагааны орлогоос 120 822 408.00 төгрөгийг оруулж улсын төсөвт төвлөрүүлээд байна.

Сар бүрийн орлогын мэдээг тасгуудаас ирүүлсэн мэдээг нэгтгэн УБЕГазарт хүргүүлж байгаа бөгөөд сар бүрийн төсвийн гүйцэтгэлийн мэдээ тайланг УБЕГазраас ирүүлсэн чиглэлийн дагуу орлогын нэр төрөл, мөнгөн хөрөнгийн данс бүрээр, өглөг авлагын задаргаа бүрээр цаг хугацаанд чанартай гарган УБЕГазарт хүргүүлэн, Шилэн дансны сайт, Хөвсгөл УБХэлтсийн мэдээллийн сайт, байгууллагын “Санхүүгийн ил тод байдлын” самбарт нээлттэйгээр байрлуулан ажиллаж байна. Мөн Шилэн дансны сайтад Гадаад паспортын данс, шинэчлэгдсэн үйлчилгээний үнэ тариф, 2023 оны аудитын дүгнэлт, төсвийн гүйцэтгэлийн хэтрэлт хэмнэлтийн мэдээ тайланг цаг хугацаанд нь шивэн оруулж 2024 оны 1 дүгээр улирлын шилэн дансны тайланг УБЕГ-н СААХэлтэст хүргүүлэн ажиллалаа.

Бүртгэгч нарын 2024 оны 1-5 сарын үнэт цаасны кодтой тайланг хугацаа хоцроогүй нэгтгэн УБЕГазрын санхүүд хүргүүлээд байна.

2024 оны Монгол Улсын Их Хурлын сонгуулийн бэлтгэл ажлын 39 457 500 төгрөгийн санхүүжилт хийгдэн, батлагдсан хуваарийн дагуу зарцуулахаар ажиллаж байна.

Хөтлөх нэрийн жагсаалтын дагуу 2023 оны санхүүтэй холбоотой баримт бичгээ байгууллагын архивт хүлээлгэн өгч Байгууллагын архивын эмх цэгц, баяжилтад гар бие оролцон цэгцэллээ.

Сангийн яамнаас хэрэгжүүлж буй онлайн программ болох цалин хөлсний PAYROLL программ, төрийн сангийн төлбөр тооцооны Finance программуудаар нягтлан бодох бүртгэлийн ажил гүйлгээгээ хийж гүйцэтгэж байна. Мөн ХЗДХЯамнаас хэрэгжүүлж буй төсвийн гүйцэтгэлийн OPENGOV программд сар бүрийн төсвийн гүйцэтгэл болон 2024 оны төсвийг шивж оруулаад байна.

Ажиллагсдын цалингийн тооцооллыг сард 2 удаа бодож, 2 программаар бодон тулган шалгаад, Нийгмийн даатгалын тайланг цалингийн программаас Нийгмийн даатгалын Portal систем руу excel файл руу хөрвүүлэн илгээж байгаа.

Хүний нөөцийн нэгдсэн системээс албан хаагчийн цалинтай холбоотой мэдээллийг сар бүр шинэчлэн татаж тулган баталгаажуулан цалинг тооцоолон татварын суутганы тайланг PAYROLL программаас татан оруулж тайлангаа цаг хугацаанд нь илгээн ажиллаж байна.

2024 оны 4 дүгээр сарын 17-ны өдрөөс 3 хоног ХЗДХЯамнаас хэрэгжүүлж буй Эрин системийн e-account санхүүгийн программын сургалтад хамрагдан 2023 оны жилийн эцсийн үндсэн хөрөнгө, материалын үлдэгдлийг зааврын дагуу оруулж 2024 оны 1 дүгээр улирлын санхүүгийн тайлан гаргах бэлтгэл ажлыг ханган ажиллаж байна.

Тайлант хугацаанд УБЕГазраас татан авах үнэт цаас, бараа материалыг машин техник хүн хүчний боломжоороо тасралтгүй ханган байгууллагын санхүүгийн үйл ажиллагааг тасалдуулалгүй ажиллаж байна.

Сумдын улсын бүртгэгч нарын үнэт цаасны тайланг код бүрээр тулган баталгаажуулж заасан хугацаанд нь УБЕГазрын санхүүд нэгтгэн хүргүүлж байна.

2024 онд тус хэлтэс нь 47 орон тоо батлагдсанаас 45 орон тоотойгоор бүртгэлийн үйл ажиллагааг тасалдалгүй хэвийн явуулж 2 сумын бүртгэгчийн орны томилгоо хийгдээгүй бөгөөд Мөрөн сумын улсын бүртгэгч С.Дэлгэрмөрөн Бүрэнтогтох сумын бүртгэлийг, улсын бүртгэгч Б.Болормаа АлагЭрдэнэ сумын бүртгэлийг 14 хоног тутам томилолтын зардал гаргалгүйгээр хийж гүйцэтгэж байна.

7. АРХИВ, АЛБАН ХЭРЭГ ХӨТЛӨЛТИЙН ҮЙЛ АЖИЛЛАГАА


Хэлтсийн нярав, бичин хэргийн ажилтан нь байгууллагын ирсэн, явсан бичгийн бүртгэл хөтөлж, хариутай бичгийн шийдвэрлэлтэнд хяналт тавьж ажиллалаа. Тус хэлтэс нь тайлант хугацаанд 669 албан бичгийг гаргаж холбогдох байгууллагуудад хүргүүлэн ажлласан бөгөөд 750 албан бичгийг хүлээн авсан үүнээс 451 нь хариутай албан бичиг байсан ба холбогдох хариуг цаг хугацаанд нь шийдвэрлэж хүргүүлсэн. Нийт бичиг хэргийн эргэлтийн тоо 750. Тайлант хугацаанд Хэлтсийн даргын 14 тушаалыг бүртгэж ажилласнаас байгууллагын үндсэн үйл ажиллагаатай холбоотой А тушаал 3, хүний нөөцтэй холбоотой Б тушаал 11-г тус тус гарган хэрэгжилтэнд хяналт тавьж ажилласан. Мөн тайлант хугацаанд улсын бүртгэлтэй холбоотой асуудлаар иргэдээс нийт 43 өргөдөл, гомдол ирсэн ба өргөдөл, гомдлыг холбогдох эрх бүхий албан тушаалтанд нь хуваарилан, 100% шийдвэрлэж ажилласан байна. Бичиг хэргийн цахим программ болох ERP болон EDOC програм, Khuvsgul@burtgel.gov.mn, uburtgel@khs.gov.mn, 21aimag@burtgel.gov.mn төрийн цахим хаягаар бусад байгууллагаас ирүүлсэн албан бичгийг хүлээн авч, холбогдох албан хаагчид шилжүүлэн хариутай албан бичгийн хариуг хуулийн хугацаанд хүргүүлэн ажиллаж байна.

Мөн Улсын бүртгэлийн ерөнхий газрын хэмжээнд тоон гарын үсэг ашиглаж эхэлсэнтэй холбогдуулан Улсын бүртгэлийн ерөнхий газар, аймгийн Улсын бүртгэлийн хэлтэст хүргүүлэх албан бичгийг тоон гарын үсгээр баталгаажуулан EDOC програмаар хүргүүлж, бичиг хэргийн зардлыг хэмнэн ажиллаж хэвшсэн байна. Хэлтсийн байгууллагын архивын баримтыг цэгцлэх ажлыг зохион байгуулж, хадгаламжийн нэгжийн бүртгэлийг шинэчлэн бүртгэл хадгаламжийн нэгжүүдийг оноор, оны дотор хадгаламжийн нэгжүүдийг баримтын ач холбогдлоор нь дараалуулан байрлуулж, хадгаламжийн хугацаа дууссан баримт бичгийг устган ажилласан болно.

Хэлтсийн албан бичгийн 2023 оны жилийн эцсийн эргэлтийг сүүлийн 3 жилээр харьцуулбал:

Он	Ирсэн бичиг			Явсан бичиг	Хэлтсийн даргын тушаал			Өргөдөл гомдол
	Хариутай	Хариугүй	Нийт		А тушаал	Б тушаал	Нийт	
2022 оны эхний хагас жил	550	231	781	726	8	5	13	21
2023 оны эхний хагас жил	482	361	843	716	6	10	16	80
2024 оны эхний хагас жил	451	299	750	669	3	11	14	43

Албан бичгийн эргэлтийг сүүлийн 3 жилээр харьцуулбал:



Иргэдээс ирүүлсэн өргөдлийг төрлөөр нь авч үзвэл:

- Иргэний бүртгэлийн үндсэн үйл ажиллагаатай холбоотой асуудлаар – 33 өргөдөл
- Эд хөрөнгийн эрхийн улсын бүртгэлийн үндсэн үйл ажиллагаатай холбоотой асуудлаар – 5 өргөдөл
- Хуулийн этгээдийн бүртгэлийн үйл ажиллагаатай холбоотой – 5 өргөдөл
- Бүртгэлийн хяналтын үндсэн үйл ажиллагаатай холбоотой асуудлаар – 0 өргөдөл
- Албан хаагчтай холбоотой гомдол – 0
- Албан хаагчийн нийгмийн асуудал болон хүний нөөцтэй холбоотой асуудлаар – 0
- Санхүүгийн үйл ажиллагаатай холбоотой асуудлаар – 0 нийт 43 өргөдөл, авсан байна.

Иргэдээс ирүүлсэн өргөдлийн шийдвэрлэлтээр авч үзвэл:

- Хяналтын улсын байцаагчийн дүгнэлтээр 8
- Улсын бүртгэлийн ерөнхий газрын Иргэний улсын бүртгэлийн газарт албан бичгээр хүргүүлсэн 4
- Албан бичгээр хариу хүргүүлсэн 21
- Утсаар холбогдон иргэнд холбогдох мэдээлэл заавар зөвлөмж өгсөн 5
- Бүртгэлийн дэвтрээс засалт хийгдсэн 2
- Нэгдсэн дүгнэлтээр залруулсан 2

Тус тус өргөдлийг хяналтын карт хөтлөн бүртгэлийн дэвтэр дээр бүртгэн даргын цохолтын дагуу албан хаагчдад өгч шийдвэрлүүлэн ажиллаж байна.

Өргөдөл гомдлын шийдвэрлэх хугацаа болоогүй 1 өргөдөл хүлээгдэж байна

8. СУРГАЛТ, СЕМИНАР БОЛОВСОН ХҮЧНИЙГ БЭХЖҮҮЛЭХ ЧИГЛЭЛЭЭР

Хэлтэст зохион байгуулах 2024 оны сургалтын төлөвлөгөөг 2024 оны 02 дугаар сарын 05-ны өдөр 14 арга хэмжээтэй боловсруулж хэлтсийн даргаар батлуулан төлөвлөгөөний дагуу холбогдох сургалтанд хамрагдаж байгаа бөгөөд тайлант хугацаанд Төрийн албаны зөвлөлөөс зохион байгуулсан 11, Улсын бүртгэлийн ерөнхий газраас болон аймгийн ЗДТГ, бусад байгууллагаас зохион байгуулсан нийт 24 удаагийн сургалтад хэлтсийн бүх албан хаагчид болон хэлтсийн дарга, холбогдох албан хаагчид бүрэн хамрагдсан байна. Мөн аймгийн Цагдаагийн газар, Гэр бүл хүүхэд залуучууд хөгжлийн газар, Хилийн цэргийн 0257 дугаар анги, Нийгмийн даатгалын газар, Прокурорын газар, Монгол банк, Төрийн банк, Хөдөлмөрийн аюулгүй байдал эрүүл ахуйн сургалтыг хэлтсийн албан хаагчдад танхимаар зохион байгуулсан.

1.Төрийн албаны зөвлөлөөс зохион байгуулж буй сургалт:

-2024.03.07-ны өдөр Төрийн албаны зөвлөлөөс зохион байгуулдаг “7:4:10” “Төрийн албан хаагчдыг ёс зүйн зөрчлөөс урьдчилан сэргийлэх, соён гэгээрүүлэх үндэсний хөтөлбөр”-ийн төсөл танилцуулав. Тус онлайн сургалтанд сумдын болон хэлтсийн 32 албан хаагч хамрагдлаа.

-2024.03.14-ний өдөр Төрийн албаны зөвлөлөөс зохион байгуулдаг “7:4:10”, “Дижитал шилжилт, виртуал орчинд ажиллах” сумдын болон хэлтсийн 38 албан хаагч хамрагдлаа.

-2024.03.21-ний өдөр Төрийн албаны зөвлөлөөс зохион байгуулдаг “7:4:10” “Төрийн албан хаагчдад санхүүгийн боловсролын түвшинг дээшлүүлэх, хуримтлалын ач холбогдол”-ын талаар сумдын болон хэлтсийн 40 албан хаагч хамрагдлаа.

-2024.03.28-ны өдөр Төрийн албаны зөвлөлөөс зохион байгуулдаг “7:4:10”, “Төрийн албан хаагчийн үндэсний бичгийн мэдлэг тодорхойлох судалгаа-2” онлайн сургалтад сумдын болон хэлтсийн 28 албан хаагч хамрагдлаа.

-2024.04.04-ний өдөр Төрийн албаны зөвлөлөөс зохион байгуулдаг “7:4:10”, “Төрийн албаны үнэт зүйл /эрхэмж/, үе хоорондын ялгаатай байдал онлайн сургалтад сумдын болон хэлтсийн 22 албан хаагч хамрагдлаа.

-2024.04.11-ний өдөр Төрийн албаны зөвлөлөөс зохион байгуулдаг “7:4:10”, “Монгол төрийн зүтгэлтний хэв шинж” онлайн сургалтад сумдын болон хэлтсийн 43 албан хаагч хамрагдлаа.

-2024.04.18-ны өдөр Төрийн албаны зөвлөлөөс зохион байгуулдаг “7:4:10”, “Төрийн албан хаагчийн үндэсний бичгийн мэдлэг тодорхойлох судалгаа”-ны явц онлайн сургалтад сумдын болон хэлтсийн 37 албан хаагч хамрагдлаа.

-2024.04.25-ны өдөр Төрийн албаны зөвлөлөөс зохион байгуулдаг Төрийн албан хаагчийн ёс зүйн зөрчлөөс урьдчилан сэргийлэх, соён гэгээрүүлэх, гомдол, мэдээллийг хянан шалгаж, дүгнэлт гаргах, төрийн албан хаагчийн ёс зүйн зөрчилд дүн шинжилгээ хийх чиг үүргийн хүрээнд “Ёс зүйн дэд хорооны ажиллах журам”-ыг хэрэгжүүлэх талаар 7:4:10” онлайн сургалтад сумдын болон хэлтсийн 32 албан хаагч хамрагдлаа.

-2024.05.02-ны өдөр Төрийн албаны зөвлөлөөс зохион байгуулдаг “7:4:10”-Хүний эрх хамгаалагчийг хамгаалах тогтолцоо сэдэвээр онлайн сургалтад сумдын болон хэлтсийн 35 албан хаагч хамрагдлаа.

-2024.05.09-ний өдөр Төрийн албаны зөвлөлөөс зохион байгуулдаг “7:4:10”, “БНСУ-ын төрийн албаны сонгон шалгаруулалтын ёрөнхий тойм, онцлого” онлайн сургалтад сумдын болон хэлтсийн 28 албан хаагч хамрагдлаа.

-2024.05.16-ны өдөр Төрийн албаны зөвлөлөөс зохион байгуулдаг “7:4:10”, “Төрийн албан хаагчийн цалин хөлс, нийгмийн баталгаа” онлайн сургалтад сумдын болон хэлтсийн 36 албан хаагч хамрагдлаа.

2. Улсын бүртгэлийн Ерөнхий газар болон аймгийн ЗДТГ-с зохион байгуулсан сургалт:

-2024.01.09-ний Аймгийн Засаг даргын тамгын газар, Авлигатай тэмцэх газартай хамтран зохион байгуулсан "Авлига, ашиг сонирхлын зөрчил гэж юу вэ, түүний хор хөнөөл, урьдчилан сэргийлэх арга зам" сэдэвт сургалтад хэлтсийн 18 албан хаагч хамрагдлаа.

-2024.01.23-ны өдөр Хилийн цэргийн 0257 дугаар ангийн ахлагчийн зөвлөлөөс Хөвсгөл аймаг дахь төрийн байгууллагуудад алба үйл ажиллагаагаа сурталчлах аяныг эхлүүлж, Хөвсгөл аймгийн Улсын бүртгэлийн хэлтсийн хамт олонд Хил хамгаалах байгууллагын түүхэн замнал, ахлагчийн албаны талаар мэдээлэл хүргэж “Эх орны хилээс” урлагийн тоглолтыг зохион байгууллаа.

-2024.02.19-ний өдөр Тус хэлтсийн 2024 оны сургалтын төлөвлөгөөний дагуу Хилийн цэргийн 0257 дугаар ангийн Дэд хурандаа Э.Бат-Ирээдүй, Хошууч А.Оргил нар "Монгол Улсын Хилийн боомтуудын танилцуулга" сэдвээр сургалт зохион байгууллаа. Хэлтсийн албан хаагчид 100% сургалтад хамрагдлаа.

-2024.02.29-ний өдөр Төрийн албаны тухай хууль, Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хууль тогтоомжийг танилцуулах, зөрчил үйлдэгдэхээс урьдчилан сэргийлэх, зөрчил гаргахгүй байх үүднээс хэлтсийн болон сумдын улсын бүртгэгч нарт сургалт зохион байгууллаа.

-2024.03.26-ны өдөр Цагдаагийн газар болон Монгол банкнаас зохион байгуулсан “Санхүүгийн луйвар залилан, гэмт хэрэг”-ээс урьдчилан сэргийлэх сургалтад хэлтсийн 16 бүх албан хаагч хамрагдлаа.

-2024.03.29-ний өдөр “Төрийн банк”-наас санхүүгийн боловсрол олгох сургалтад 20 албан хаагчид хамрагдлаа.

-2024.03.29-ний өдөр Иргэний баримтын цахимжилтын талаар онлайн сургалтанд сумдын улсын бүртгэгч болон хэлтсийн иргэний улсын бүртгэгч, ахлах улсын бүртгэгч хамарсан сургалт зохион байгуулагдлаа.

-2024.04.03-ны өдөр Хөвсгөл аймгийн Хүүхэд, гэр бүл хөгжил, хамгааллын газраас “Хүүхдийн эсрэг бие махбодын хүчирхийлэл болон шийтгэлийг устгах арга хэмжээний талаар сургалт зохион байгуулагдлаа.

-2024.04.04-ний өдөр Хөвсгөл аймгийн Хүүхэд, гэр бүл хөгжил, хамгааллын газраас Хүүхдийг хүмүүжүүлэхэд үүрэг хүлээгч талуудын мэдлэг ойлголтыг нэмэгдүүлж, түгээн дэлгэрүүлэхэд чиглэгдсэн “Хүүхэд хүмүүжлийн эерэг арга” сургалтанд хамрагдаж, хэлтсийн “Эцэг эхийн зөвлөл”-ийн П.Даваадулам, Б.Цэнд-Аюуш нар сургагч багш гэрчилгээгээ гардан авлаа.

-2024.04.04-ний өдөр Төрийн албан хаагчийн үндэсний бичгийг тодорхойлох судалгаанд сумдын болон хэлтсийн бүх албан хаагч хамрагдлаа.

-2024.04.09-ний өдөр УБЕГ-ын ЭХЭУБГазраас Банк болон ББСБ, банкуудын холбоотой хамтран зохион байгуулсан “Эд хөрөнгийн эрхийн улсын бүртгэлийн тухай хуулийн өөрчлөлт хэлэлцүүлэг”-т Улсын ахлах бүртгэгч Д.Чимэдцогзол хамрагдлаа.

-2024.04.17-ны өдөр “Улсын бүртгэлийн ерөнхий газар”-т зохион байгуулсан. “Эрин Е-Аккаунт программ”-ийн нэвтрүүлэлтийн талаар Германы хамтын ажиллагааны нийгэмлэгээс зохион байгуулсан сургалтанд Ахлах нягтлан бодогч Б.Мөнхдэлгэр хамрагдлаа.

-2024.04.22-ны өдөр “Цахимд хэвшье” сургалтад Хэлтсийн дарга Б.Мөнгөнзул, Мэдээлэл технологийн ажилтан Э.Нарантуяа нар хамрагдлаа.

-2024.04.25-ны өдөр Хөвсгөл аймгийн Прокурорын газрын ахлах прокурор Д.Батсүх, прокурорын туслах н.Билгүүндаш нар "Прокурорын газрын үйл ажиллагаа" болон зөрчил шалган шийдвэрлэх сэдвээр сургалт зохион байгууллаа. Сургалтад хэлтсийн 18 албан хаагч хамрагдлаа.

-2024.04.26-ны өдөр ХЭУБГазараас тасгийн дарга нарт зориулан зохион байгуулсан “Хуулийн этгээдийн улсын бүртгэлийг хөтлөхөд анхаарах асуудал” сэдэвт онлайн сургалтанд Улсын ахлах бүртгэгч Д.Чимэдцогзол хамрагдлаа.

-2024.04.29-ний өдөр Төрийн албаны зөвлөлөөс зохион байгуулсан сургалтад 6 албан хаагч хамрагдлаа.

-2024.04.29-ний өдөр Согтууруулах ундааны хэрэглээг буурууланх бодлого, олон улсын хандлага сургалтад 9 албан хаагч хамрагдлаа.

-2024.05.01,06-ны өдрүүдэд ХЭУБГазраас зохион байгуулсан “Хоршооны улсын бүртгэл хөтлөх талаар мэдээлэл өгөх” сургалтад Улсын ахлах бүртгэгч Д.Чимэдцогзол, Улсын бүртгэгч П.Даваадулам, Б.Цэнд-Аюуш нар хамрагдлаа.

-2024.05.03-ны өдөр Хуулийн этгээд эд хөрөнгийн эрхийн улсын бүртгэлийн тасгийн дарга бөгөөд улсын ахлах бүртгэгч Д.Чимэдцогзол, хуулийн этгээдийн улсын бүртгэгч П.Даваадулам нар сумын улсын бүртгэгч нарт шинэ хоршоо хөдөлгөөнтэй холбогдуулан сургалт зохион байгуулж, чиглэл өгч сургалт зохион байгууллаа.

-2024.05.03-ны өдөр ЭНЭ ЖИЛДЭЭ ЭРҮҮЛ ЖИНДЭЭ-2" аяны хүрээнд Хөвсгөл аймгийн Улсын бүртгэлийн хэлтсийн хамт олон ажлын байрны дасгалд нэгдлээ.

-2024.05.06-ны өдөр Сургагч багш Г.Дашжаргалын зохион байгуулсан. Энэ жилдээ Эрүүл жиндээ-2 аяны хүрээнд хэлтсийн албан хаагчид эрүүл зөв амьдралын хэвшил олгох сургалтад хамрагдлаа.

-2024.05.07-ны өдөр Хөвсгөл аймгийн Нийгмийн даатгалын газраас зохион байгуулсан "Нийгмийн даатгалын багц хуулийн шинэчлэл" сургалтад хэлтсийн 18 албан хаагч хамрагдлаа.

-2024.05.08-ны өдөр “Цусны донор болох” талаар сургалтад 19 албан хаагч хамрагдлаа.

-2024.05.21-ний өдөр “Хилийн цэрэг”-ээс Ахлагч Б.Нямсайхан, Сэтгэл зүйч Р.Ганчимэг нарын зохион байгуулсан. Төрийн албан хаагчийн ёс зүй, харилцааны ур чадвар, сэтгэл зүйн талаар сургалтад 16 албан хаагч хамрагдлаа.

9. ДҮГНЭЛТ

Тус хэлтэс нь өдөр тутмын үйл ажиллагаандаа Улсын бүртгэлийн ерөнхий хууль болон бусад холбогдох хууль тогтоомж, хөдөлмөрийн дотоод журам, үйлчилгээний стандартыг мөрдөн ажиллаж, төрийн үйлчилгээг иргэдэд хүргэн ажиллалаа.

2024 оны гүйцэтгэлийн төлөвлөгөөнд тусгагдсан, эхний хагас жилд хийж гүйцэтгэх 37 арга хэмжээг бүрэн ханган ажилласан байна. Сүүлийн хагас жилд хэрэгжүүлэхээр төлөвлөсөн арга хэмжээнүүдийг хяналтандаа авч, биелэлтийг 100 хувь ханган ажиллах зорилттой ажиллаж байна.

Хөвсгөл аймгийн 23 сум 1 тосгоны хэмжээнд 16 нас ба түүнээс дээш насны тоон гарын үсэг авах 90464 иргэнээс өнгөрсөн оны тайлант хугацаанд 51488 иргэнд буюу 57%-тай байсан бол 20234 оны 05 дугаар сарын 25-ны өдрийн байдлаар нийт 58645 иргэнд тоон гарын үсэг олгож, тоон гарын үсэг олгох ажил 64.8%-тай явагдаж байна. Хэлтсийн 2024 оны төлөвлөгөөнд тоон гарын үсэг олгох ажлыг 80 хувьд хүргэх зорилт тавьсан бөгөөд биелэлтийг ханган ажиллах, арга хэмжээ бүрийг хэрэгжүүлэн, нэмэлт төлөвлөгөө боловсрууан ажиллаж байна.

Тус хэлтэс нь Үндэсний энгийн гадаад паспортын бүртгэлийг анхан шатны нэгжээс үзүүлэх ажлын хүрээнд аймгийн төвөөс хол, алслагдсан Тариалан, Цагаан-Уул, Цэцэрлэг, Их-Уул сумдад нэвтрүүлэхээр нийт 12.140.000 төгрөгийн төсвийг сумын ИТХ-р шийдвэрлүүлэн гадаад паспортын бүртгэл хөтлөх тоног төхөөрөмж /зургийн аппарат, гэрэлтүүлэгч иж бүрэн, хөшиг/ болон үйлчилгээний хураамж төлөх гэрэгэ пос төхөөрөмжийг худалдан авч, сумдын улсын бүртгэгч нарыг хэлтэст дадлага хийлгэн, үндэсний энгийн гадаад паспортын бүртгэлийг хөтлөх эрхийг нээлгэх албан бичгийг УБЕГ-т хүргүүлэн эрх авч, 2024 оны 03 дугаар сарын 14-ний өдөр “ГЭРТ ОЙР, ГАРТ ОЙР ГАДААД ПАСПОРТ” уриатай гадаад паспортын бүртгэлийн үйлчилгээг сумаасаа авах үйл ажиллагааг албан ёсоор нээж бүртгэлийн үйлчилгээг иргэн бүрт улам ойр болгон ажиллаж байна. Мөн Рэнчинлхүмбэ, Шинэ-Идэр Эрдэнэбулган, Цагаан-Үүр, сумдад үндэсний энгийн гадаад паспортын үйлчилгээг нэвтрүүлэхээр төсвийг шийдвэрлүүлэн ажиллаж байгаа бөгөөд Цагаан-Үүр, Рэнчинлхүмбэ, Эрдэнэбулган сум тоног төхөөрөмжөө худалдан авч, бүртгэлийн дадлагаа хийж, гадаад паспортын үйлчилгээг сумандаа иргэдэд үзүүлэхэд бэлэн болоод байна.

Тус аймаг нь 24 сум 1 тосгонтой бөгөөд хилийн боомт 1, хил орчмын 10 сум байдаг. Хилийн сум болон хил орчмын сумдад жилдээ 1-2 удаагийн “Нээлттэй хаалганы өдөр” зохион байгуулж, 4 суманд гадаад паспортын бүртгэлийн үйлчилгээ үзүүлэх боломжтой болсон нь иргэдийн хувьд илүү хялбар, түргэн шуурхай болсон ч нөгөө талаас сумдад гадаад паспортыг хүргүүлэх шуудангийн зардал нэмэгдэж байна. Мөн хил зорчих үнэмлэх олголт буюу цагаан хуудас буурсан үзүүлттэй байгаа юм.

Хэлтсийн 2024 оны гүйцэтгэлийн төлөвлөгөөнд тусгагдсаны дагуу Баянзүрх, Галт, Их-Уул, Тариалан, Улаан-Уул, Цагаан-Үүр, Чандмань-Өндөр, Шинэ-Идэр, Рашаант, Эрдэнэбулган сумдын улсын бүртгэгч нарт эд хөрөнгийн эрхийн улсын бүртгэл хөтлөх эрх олгох, хуулийн этгээдийн улсын бүртгэл хөтлөх эрх олгох саналыг Улсын бүртгэлийн ерөнхий газрын Эд хөрөнгийн эрхийн улсын бүртгэлийн газар, Хуулийн этгээдийн улсын бүртгэлийн газар тус тус хүргүүлсэн. Дээрх сумдын улсын бүртгэгч нарт Улсын бүртгэлийн ерөнхий газрын даргын 2024 оны 05 дугаар сарын 15-ны өдрийн Б/297 тушаалаар эд хөрөнгийн эрхийн улсын бүртгэл хөтлөх олгосон ба УИХ-ын ээлжит сонгуулийн дараа хэлтэс дээр ирүүлж дадлага хийлгэн бүртгэл хөтлүүлж эхлэхээр төлөвлөж байна.

Мөн Улсын бүртгэлийн ерөнхий газрын даргын 2024 оны 05 дугаар сарын 16-ны өдрийн Б/298 тушаалаар хуулийн этгээдийн улсын бүртгэл хөтлөх эрх олгосон ба дээрх сумын улсын бүртгэгч нар “Шинэ хоршоо” хөдөлгөөнтэй холбогдуулан хоршооны нэр баталгаажуулах ажлыг хийж гүйцэтгэж байгаа бөгөөд 2024 оны 05 дугаар сарын 24-ний өдрийн байдлаар нийт 37 нэр баталгаажуулсан байна. Хуулийн этгээдийн улсын бүртгэлийн “Бүртгэв” тэмдэг хэвлэгдэн ирэхээр бусад бүртгэлийг хийлгэхээр төлөвлөн сургалт зохион байгуулан ажиллаж байна.

Эд хөрөнгийн эрхийн улсын бүртгэл, хуулийн этгээдийн улсын бүртгэлийг 12 суманд бүртгэх боломж бүрдсэн нь аймгийн төвийн албан хаагчдын бүртгэлийн ачаалал буурах, иргэдийн санхүү, цаг завыг хэмнэх, улсын бүртгэгчийг хөрвөх чадвартай болгосон гол давуу талтай юм. Цаашид үлдсэн сумын улсын бүртгэгч нарыг эрх зүйч мэргэжлээр сурах нөхцлөөр ханган 3 бүртгэлийн үйлчилгээг бүх суманд нэвтрүүлэх зорилт тавин ажиллаж байна.

Иргэний улсын бүртгэлийг өмнөх оны хагас жилтэй харьцуулахад 0.36%, эд хөрөнгийн эрхийн улсын бүртгэл 0.5%, хуулийн этгээдийн улсын бүртгэл 37%-аар тус тус өссөн үзүүлэлттэй байна. Хуулийн этгээдийн улсын бүртгэл өссөн нь Монгол улсын Засгийн газраас зохион байгуулсан “Шинэ хоршоо” хөдөлгөөнтэй холбоотой бөгөөд хоршооны бүртгэлийг 2023 оны эхний хагас жилтэй харьцуулахад **91** хувиар өссөн үзүүлэлттэй байна.

ТАЙЛАН НЭГТГЭСЭН:
МЭДЭЭЛЭЛ ТЕХНОЛОГИЙН АЖИЛТАН

Э.НАРАНТУЯА

ХЯНАСАН:
ХЭЛТСИЙН ДАРГА

Б.МӨНГӨНЗУЛ